



聖宋名賢五百家播芳大全文粹卷第十六

賀啓

宮觀

賀宮使太師啓

何子應

伏審三師顯冊將分鼎坐之穹窿一札異恩聊假琳宮之
密邇上以盡群王詳延之禮次以全大臣難進之名去就
準乎古人體貌優於前代恭以 宮使大資相公得天間
氣為世真儒事業青雲彌久而彌大精神黃鶴愈老而愈
清學通今古之淵源言得詩書之體要議論確全於國是
勲勞力致於邦榮出入三朝任天下之重而不撓始終一

節合聖人之和而有容當資秉國之權旋錫還朝之命士
心傾屬帝意褒嘉法既變通唯宋璟能守以正時方紹述
非畢公莫成厥終竚看盛禮之班庭即慶元功之宰物某
提携小器追琢餘材艱難仕途者倏踰十年黽勉官事者
實歷六考雖朴忠而自信柰孤拙以誰怜載循簿領之微
蹤幸忝鄉閭之晚進執經隸業誦高文於齟齬之初歛板
微官慕盛德於衣冠之後龍門就謁雖阻望於光輝鴈足
脩書固嘗通於姓字敢謂無階之小子嘗形有味之溫言
賜緘已重於袞褒傳誨更優於金諾區區弊帶此時儻享
於千金奕奕明堂異日當參於一木時寒在候冬令方行

伏乞上體眷懷倍綏福履

賀宮使蘇丞相啓

程子山

伏審屢貢需封懇辭揆路亟遂琳宮之逸仍兼書殿之華
衆莫能留道逾為重恭惟 某官天鍾峻德世服全能文
章為一代之雄學術洞百家之奧逮持魁柄尤抃搢紳以
芍藥之和調均鼎鼐以洪梁之任安固廟堂屬熙事之慶
成援舊章而退勇聞陳切至眷諭優隆既悃幅之難回始
吁俞之方下長孺之承帝問宜在本朝仲舒之請家居每
參大議某嘗叨顧盼素沐知憐竊觀去就之間爰盡初終
之美撫懦衷而增慕非濡穎之可宣

賀宮使侯中書啓

翟公異

伏審得請宮祠榮歸故里雖老成去國之易而明哲保身之全多士嘆嗟餞韓侯之出祖邦人喜慰詠季子之來歸恭惟中書正色立朝遠猷經國方崇鼎鉉之拜以正公槐之尊而乃深畏功名肆懷丘壑上章力懇解組如遺仰高行之絕倫聞餘風而興起乘安車而過諸子未慕前賢揮賜金以娛故人用償夙志即膺宣室之召復佇衮衣之歸某荷眷特深辱知有素願望塵之密邇獲擁篲以候迎炎暑正隆川塗尚阻

賀宮使大資啓

鮮于天質

伏審錫寵真儒增華舊弼使琳館真游之秘冠金華道學之嚴聖哲一時士民同慶伏惟某官沉深端亮博大高明學洞本源繙十二經而不涉語默識參化擊三千里而未始去來出以同人則後進之宗師俯而應世則古人之事業九鼎為之增重多士所以知歸維群言罔間於艱難之時乃一旦出公於寬閑之地必當起慰蒼生之望距可往從赤松之游召自江淮進陪帷幄同符厚德均體冢司事已絕於前聞榮固超乎近比甘盤舊學未更輔相之崇子房帝師不見詩書之蘊永惟具美宜屬宗工某猥以散材潛希樂育竊幸藿蠋之能化自忘商距之弗勝未識藩

籬已有絕塵之歎安知鑪錘空懷躍治之私

賀宮使觀文啓

晁之道

伏審中頒召節入覲清光護琳館之真游侍金華之聖學
側聞寵渥交慰輿情恭惟 某官敦大宏通高明忠裕富
以游夏之經術發揮唐虞之文章左右熙朝謀謨庶政積
絳綸化育之丕績秉忠恪致君之小心暫處北門即歸中
禁蓋睿眷嘉隆於舊弼而盛德宜在乎本朝多士所以知
歸九鼎至於增重某久塵眷獎屢玷陶鎔聳聽詔音適縻
使事莫遂掃門之願徒傾賀厦之誠

賀宮使太尉啓

晁之道

伏審中頒召節促覲清光擁元帥之旌旄備弼臣之寵數
密司琳館進侍金華百辟聳瞻萬方胥慶恭惟 某官高
明忠亮博大宏深掌握洪樞謀謨大政固已致主唐虞之
上方且比蹤夔契之間復自江淮進陪帷幄觀聖上虛已
待公之意與多士傾心仰德之誠實惟千載極盛之時宜
建萬世無窮之烈亦惟天意豈獨人謀某夙以冥頑誤玷
陶冶屬外縻於使事方遠阻於賓閣竊與萬物以同勞詎
止微生之有託其為欣頌更陪等夷

賀宮使待制啓

于子儀

光膺恩制進陟邇聯除目一騰公議僉允伏惟慶慰竊以

國家簡拔俊望寵以延閣之華優禮近臣列於真祠之職
非有名世瓌瑋之價曷膺當宁待遇之隆恭惟 某官杞
梓宏材璠璣重器文詞英麗名擅儒科道學該詳聲高藝
苑屬乃聖眷求於同姓俾公族方駕於時髦果得真賢仰
符帝意行貳中臺之峻延登揆路之崇某猥以庸姿素叨
提獎已託亢宗之賜更依造物之私踴躍忻愉倍萬倫等

賀宮使參政啓

晁子

樂聖避賢願歸印綬過家上冢言返里閭釋政省之憂勞
獲故鄉之安便難稽遠業暫佚真祠恭惟 某官名高搢
紳勲在社稷昨遇有為之會皆稱難得之時若不折夫虜

衝漢則幾殆今猶傳於境外秦豈無人帝不忘於念功君
將倚以納誨為政者每人而悅誰復能然不知者謂我何
求公亦奚恨惟大臣進退之際本前賢出處之常溺者由
已溺而飢者由已飢莫有識胸中之志仁者謂之仁而智
者謂之智一付天下之言某早被深知肯同流俗當將相
和而士附自揆涼薄而安敢前及賓客衰而家居則思親
近而不忍去輒懷管見仰測天心聘使或來必歎張昭之
不在國家所賴寧容裴度之常閑

致仕

賀文太師致仕啓

汪彥章

伏審懇章得請褒冊疏榮辭二鎮之節旄仍三公之爵命
功成身退於迂衡之日心廣體胖於佚老之初凡在聞知
孰不欣仰恭以 某官元精孕粹崧嶽降神智足以照眇
忽之先才足以當安危之意運籌帷幄坐戰於五兵論道
鼎司文熙於庶績風采想聞於今世聲名暴著於外夷望
高累朝寵極一品方且優游故里嘯詠昌時屬二聖之紹
休圖舊人而與共雖高情傲物喻浮雲脫屣之輕然耆德
在朝增大呂黃鍾之重中安車而入覲副側席之詳延周
公之老在京師豈私諸已裴度之事兼軍國適應具時果
賴元猷一新初政九功於是咸四方以之無虞廟堂方倚

於深謀泉石遽形於歸思幡然而起非為利所以安邦浩
然而歸豈收名欲以尊主進退必由乎義出入皆視乎天
側聆繡衮之華近抵澗瀍之澳涼臺暑館莫非綠野之餘
怪石竒花率是平泉之舊足以探窮勝事恬養太和寓形
閑曠之鄉放意舒長之日某夙叨士品嘗奉台光屬官守
之坐縈阻門墉之展慶乃誠欽抃實異常曩

賀文太師致仕啓

王介甫

明制閔煩安車歸憇位在三師之首名兼兩鎮之崇誕告
敷聞具瞻胥慶豈惟未契竊仰高風恭惟 某官聲冠時
旄望隆國棟天應時而生德帝考實而念功蕭何漢之宗

臣方叔周之元老寵虛莫二宜受社之難窮懇惻有加遂留賢而弗獲瞻承雖阻企慕實深

賀劉太師致仕啓

程子山

力解繁機榮頒顯冊秩視公卿之峻名兼將相之崇寵絕百工慶流三族恭惟某官代天元氣為世真儒崇論宏言八載密裨於帷幄豐功利澤基年即徧於華夷方欣昂餗之調遽露囊封之請上以閔煩而賜可自知何恙之不瘳慎厥始而成厥終疇能比績恍然辭而悶然應初無容心某久託洪鈞欣聞異數適阻江湖之遠莫遑堦城之趨以公歸弓猶想周人之望為王留者誰知孟子之心氣候

清和精神暇裕願益加於調畜用深副於眷懷

賀韓少師致仕啓

何子應

伏審顯膺帝制峻陟師臣雖力解於繁機宜益隆於異數用眷四朝之舊永為百辟之崇恭以某官蹈溫恭之和躬久大之業識代天理物之體懷尊主庇民之心昔當二聖之倚毗遽以累章而勇退禮不容於賜几樂莫過於還家惟圓丘之告成曾安車之迅召懇避侍祠之禮遂虛前席之思故宜品數之寵加以慰縉紳之系望某限拘官守逝遠門墻竊欣新命之亟聞實倍常情而稱慶

賀韓少師致仕啓

毛伯穎

伏審懇辭公綬得謝帝庭動四海之聳觀見大臣之榮事
竊以時合而奮力者易功成而乞身者難故君子於進退
之間使天下無始終之議伊誰能此全德在茲宜異數有
加并拜師臣之重渙恩既渥仍兼書殿之崇垂耀士林光
載史冊恭惟 某官學窮道奧識照幾先正論鴻辭侍清
光於禁闥嘉謀亮節運造化於洪鈞係天下之重輕儼朝
廷之表式力辭機柄確上囊封固宜諭留再三靳請十數
安車駟馬既得乎高閑佳木清泉以適乎嘯詠超然至樂
邈矣高風眷懷老成之人典刑斯在養此剛大之氣壽祉
無窮某慕德徒深辱知有素倍起賢哉之嘆仍動歸歎之

思

賀趙少保致仕啓

王介甫

抗言辭寵得謝歸榮繇西省諫諍之官序東宮師保之位
殿庭鳴玉尚仍前日之班里舍揮金甫遂高年之樂伏惟
某官懋昭賢業寅亮聖時伯夷之直惟清仲山之明且哲
所居之名赫赫豈獨浚思爾瞻之節巖巖方當上輔遂從
雅志實激貪風未即披承徒深瞻仰

賀韓丞相致仕啓

石守道

伏審挽留雖衆懇請益堅亟辭京鑰之嚴將就里居之逸
屬時圖舊從欵固艱諭旨丁寧還意綌繹伏惟 某官文

武全器忠嘉一誠端耆德以鎮浮攄壯猷而經遠股肱勵
翼綏四裔於先朝袞繡光華賁群英於昭旦况乃堂初相
紹增大家聲埴麓同音迭熙帝載虎符犀節出言涵養之
仁煙閣雲臺入應功名之會具瞻斯在勇退安能願承睠
倚之深衷聊緩恬愉之雅意赤松遊衍難遵相漢之言黃
髮詢謀勉蹈秦公之誓其為悃悞未易罄陳

賀魏大參致仕啓

宋 文淵

懇謝領機寵頒殊渥冠崇班於書殿躋峻陟於文階方疇
霖雨之賢進顓秉筆乃抗浮雲之義早遂掛冠帝恨老成
之莫留士嗟明哲之難繼歷數聖朝之近輔幾全賢德之

高明歐陽子乞身而歸乃罷政之後清獻公引年而去非
釋位之初然猶野史屢書朝士交贊而况位方居於廊廟
名正勒於鼎彝踈巖石之具瞻懷急流之勇退是為希曠
孰與等夷恭惟 某官命世碩儒爽邦鉅哲佩龍淵之賜
夙長文昌之六聯躋鳳詔之班纔下丞相之一等既任安
危之重復為進退之光子房雖暫與赤松之遊安石必更
為蒼生而起某蚤蒙提獎晚荷陶甄望夫子之門墻自憐
拘繫侍先生之凡杖未獲周旋意傾嚮以彌勤詞鄙訥而
難盡

賀趙大資致仕啓

曾 子固

進秩宮朝歸榮里閑伏惟慶慰恭以 某官言為耆蔡行
應準繩肩一德以在躬歷三朝而遇主謹言大論著在朝
堂善政流風被于藩服引年求謝抗疏彌堅屢降德音方
倚老成之重難回壯節閔有官職之勞躡陞儲家之華退
遂居家之樂門開祖帳衆嘆大夫之賢庭列賜車自知稽
古之力惟能諧於素志實何謝於昔人某早荷陶鈞與遊
門館觀大賢出處之迹足勸大倫知儒者進退之宜敢忘
師慕其為欣躍倍萬等儔

賀李少卿致仕啟

鄭 顧道

得請抗章已諧謝事為臣之義至此克終知止之風凜然
可尚伏惟慶慰恭以 致政少卿儒林厚德仕路老成守
約而剛中體仁而利物豈止可行於州里亦將無負於神
明固嘗屢縮左符峻登列寺光華二節統制連城履歷之
間事功彌力天台遍覽固知體靜而心閑東海既歸且免
鍾鳴而漏盡其迹靡曾繳心畏簡書萬里故山但久聞於
鶴怨九重迥漢空仰慕於鴻冥

賀夏守致仕啟

李 致勳

伏審祇命拜嘉引年得請寵升郎秩歸佚鄉閭凡在見聞
共生欽羨恭以 致政朝奉文雅飾吏廉平在公挹謙常
戒於滿盈酌損固知於止足琅琅剡奏亟歸老以乞身凜

凜清風可激貪而立懦俞音獎勉寵數光華放懷泉石之
間寓意雲霄之外弗圖眷與紆旣函題忻頌惟深占言易
既

宰執除帥守

賀張丞相帥金陵啓

胡仁仲

伏審光膺制綉榮鎮留都起自東山蓋夙推於雅望圖茲
南土遂益振於先聲凡有識知于胥鼓舞恭惟某官當
朝元老命世真儒學窮東魯之淵源文擅西劉之氣象方
維奠位仰八柱之承天海宇重光瞻五龍之夾日關河響
動宗社再安名遂功成來游綠野神和志定久伴赤松唯

用則行而捨則藏斯進以禮而退以義果逢盛旦圖任元
勲至公若冰生理如洗鸞坡鳳掖載嚴秘殿之崇班虎踞
龍蟠全昇上流之重地運竒兵於掌上墮點虜於目中百
城咸肅於威聲四海頓周於和氣江山增勝疆場愈安瑤
戈淑旂允賴金城之勢元袞赤舄即還玉鉉之司某仰望
光塵拘縻職守潭潭公府比幸遂於鳧趨兩兩台堦即莫
諧於燕賀隆冬載候景旣來宜願言茵鼎之調仰副冕旒
之眷

賀朱丞相帥紹興啓

汪聖錫

伏審輟從經幄就領帥藩還祕殿之隆名建行朝之巨屏

逖聞新命同極歡心恭惟 某官德茂儒宗才優王佐高
明淵懿之學素博極於群書疏通雄傑之文獨兼全於數
器名喧宇宙會感風雲徧揚簪橐之華亟拜鈞衡之重遭
時多故能人所難夷狄長驅而談笑救寧當匹馬渡江之
日堯渠作逆而從容處決成五龍夾日之功忠嘉昭宣識
量宏廓久淹留於湖海實注想於宸旒衮衣繡裳方趣還
於北闕朱幡皂蓋聊借重於東郊諒亦假途即還揆路某
受知涓歲阻闊有年蚤荷鈞陶米及菲葑之下比交印紱
實慙糠粃之前承教匪遙向風竊抃方炎曦之在候屬旌
騎之戒塗跋履之間節宣是禱

賀湯丞相帥紹興啓

李 仲信

伏審䟽榮顯冊倚重元勳天仗還歸釋留宮之管鑰帝城
密邇擁會府之麾幢身獨繫於安危任靡殊於中外豈特
三輔吏士睹漢相威儀之盛以至四夷君長仰晉公德望
之崇恭惟 大安撫大觀文僕射相公曠代鍾才際空蘊
識商盤周誥夙高華國之辭蕭規曹隨更大經邦之業昨
見陵於狂虜上渴想於壯猷繫天下之心亦既歸於大老
屬關中之事夫孰喻於宗臣逮龍馭之言旋解麟符之居
守蓋北代張仲在矣已資孝友之良故東郊君陳往哉宜
付保釐之重維時越會為國輔藩式煩舊相之臨用壯元

戎之寄河潤九里惠併及於神京星齊三台柄即還於天
宰某久蒙塊北逖望熒煌猥緣簿領之縻阻展門墻之慶

賀呂丞相帥永興啓

周 彥質

伏審祇膺睿誥寵解合司陟祕殿之崇資開雍都之大府
功成治定而歸其政名遂身退而全於天四海具瞻輿情
欽羨恭惟 某官受天間氣命世雄材軒昂為廊廟之倚
毗出處繫朝廷之輕重自躋近侍益著徽猷屈伸不替於
初終夷險常持於一節越二聖亮陰之際方百官總已之
初敷求哲人用集大命訪予落止厥惟艱哉爰召起於坤
維遂進參於國政旋承綸綍聿正鈞衡卓然吐胸中之竒

屹若任天下之重有周勃霍光之沉厚兼姚崇宋璟之繼
謀異鞅鞅之少臣信堂堂之真相陰陽調協華夏乂安勲
烈巍峩典章炳煥方舉告成之美屢形均逸之休俄渙汗
以明揚容偃藩而自適建國者一百餘祀致位上宰者五
十七人雖久任者三員亦罕踰於九載盛矣今日之懿掩
乎前人之休撫桑梓之舊邦釋樞機之重責詩書作元帥
况儒者之極榮富貴歸故鄉亦昔人之至願喜動關中之
父老歌騰隴上之耕樵揮金交里閤之歡飛蓋遂家山之
樂錦衣信美未忘補袞之思鼎足猶虛終假和羹之助願
綏福履永託陶鎔某夙荷殊私獲聞休寵

賀陳丞相帥閩啓

熊子復

伏審光膺新渥起殿大藩上宰方虛將共迎於衮繡故鄉
甚邇再擁於麾幢休聲不約而皆同和氣非召而自至賢
寵大賢之曠典豈循舊弼之彛章恭惟安撫大觀文丞
相道術儒宗才猷國老仲虺為湯之左相蚤輔萬機申伯
式周之南邦久臨七聚高寓紫宸之秩歸尋綠野之遊帝
垂想於元勳民具瞻於碩德圖舊而任共政將復正於台
衡接近而與名藩姑重分於帥壺諒幕府方傳於號召而
都門已集於班迎某猥以非才荐茲誤寵輔邦引疾本祈
閑散之居潛府移麾更受劇煩之任幸承前躅仍倚中權

蓋黃霸潁川之教條洪纖畢具而裴度興元之節制遐邇
共尊方謹奉以周旋庶悉亡於愁恨

賀張丞相除帥啓

劉共父

眷懷舊弼誕播明綸還祕殿之隆名建上流之巨屏五侯
九伯暫尋鈇鉞之征一日萬幾即正鈞衡之任慶關宗祐
喜溢神人恭惟某官道冠古今勲存社稷扶世導民之
術本自得於詩書憂國愛民之忠宜獨貫於日月當國家
二百載中天之運正君臣一千年際會之期仗大義於版
蕩之中變危機於呼吸之頃取虞淵之日功孰大於昌唐
封函谷之泥略更高於全蜀既勒銘於鍾鼎旋正位於巖

廊方布德以兆謀爰整軍而經武誓清沙漠尅復神州然
而功成者天道廢有命在我何憂於用捨於時實繫於重
輕身雖退而道愈光望既隆而忌益衆誰為巧舌敢肆流
言曾蚍蜉之不量豈棟梁之可撼九夷何陋自安孔子之
居四國是道久起周人之詠斯文未喪群枉聿消宜一人
注想之深慰八表具瞻之望遙召還於南服聊卧護於北
門何煩三日之報成即聽十行之趨覲多士聞風而喜竚
大老之來歸四方扶杖而須知太平之有日某頃緣恩契
蚤辱記伶逮風波之橫興方羅熾之肆起念寒暄候問無
益於門下而事機偵伺或致於讒言缺然問牘之陳蓋亦

三年于此仰止受恩之地未嘗一日輒移雖形迹之若踈
尚衷誠之可鑒儻蒙畢照少逭譴訶庶幾餘生永有依怙
重念某稟資劇陋賦命數竒蠢愚涉世之甚踈坎壈抱窮
而未艾緣姓字嘗汙於科籍故蹤跡偶遙於閨臺曾越日
而幾何亦罹讒而遽去冒寵甘分於罷黜噴言更玷於恩
私俯仰懷慙跼蹐無措茲踰伏於里舍獲傳誦於策書自
欣末路之零丁將託花鈞之塊北收東隅之失意敢忘於
桑榆賀大厦之成情方深於燕雀精誠並竭悃悞奚殫

賀文太尉帥北京啓

蘇子瞻

孚號揚庭臨軒遣使出節少府授鉞齋壇夷夏聳觀兵民

交慶蓋功業盛大則極名器而後稱惟德度宏遠故舉富
貴而若無蔚為三世之宗臣豈獨一時之盛事恭惟 某
官道本天合德為人師信及三川之豚魚威加兩河之草
木身任休戚言為重輕始若留侯弱冠而遇高祖晚同尚
父黃髮而亮武王既奉冊書益新民聽方將威懷北虜係
頸長纓約束河公軌流故道然後入調伊傳之鼎歸躡松
喬之遊輿論所期斯言可必其謫官有限趨侍無緣踴躍
之心宣寫難盡

賀韓司徒帥北京啓

歐陽永叔

榮被恩俞勉從懇請極便藩之寵命均休逸於名邦伏惟

某官誠明發揮德業久大三朝顧遇百辟表儀挺金石之
純誠當國家之大事上所取信有疑決於元龜民之具瞻
為望重於九鼎屬聖神之嗣統方毗倚於老成而功高不
居志確難奪爰併推於異數用顯荅於元勳孰不秉旌詎
有兼持於雙節昔嘗衣錦今而盛服於九章極古今儒者
之至榮保進退君子之全德某顧惟衰懦久辱知憐聆誕
告之頒行極私誠之竊抃隆寒戒候大旆啓行伏惟上為
廟朝精調寢膳

賀劉中書帥北京啓

陳仲思

伏審加榮舊弼改鎮北門懽聲所臨和氣自應恭惟 某

官高明而善下博大有容才周文武之全故時當可為
而將相並任職照幾微之本故事至輒應而功獨借維河
朔視三路為雄而全魏又四帥之冠遠震胡虜近屏京師
凡留鑰之守臣皆秉鎔之元老而執事以四海柱石之望
屬千載旦暮之期積告后之久勤茂安邊之新略簡於睿
眷迪茲寵光惟時別都實曰舊部民物既承於德澤謳謠
久竚於旌旄詔命既傳閭里相賀前知指顧驚號令之一
新舊服威名覺山河之愈重即諧嘉績歸相本朝蓋先正
實佐昭陵號稱碩輔而執事紹登宰席克振家聲縉紳莫
望於清塵朝野實榮於盛事某才既淺薄命亦竒窮譽未
信而毀可疑志雖脩而身愈困嘗妄意古人之未學蓋竊
師盛德之餘風顯成將飾之言銘在肺腑陰陽陶鎔之力
將借羽翰顧夙心之獨違撫弱植深慨茲承朝夕之乏獲
依節制之尊儻許秉鞭遂諧發藥豈徒大慰平生之願庶
幾不終小人之歸欣頌極深精誠並竭

賀觀文帥北京啓

滕子昭

伏審載嘉外庸申錫中詔眷巖廊之舊弼極祕殿之寵名
深倚壯猷仍司留鑰威懷戎虜慶動縉紳恭惟某官博
大閑深靖恭端亮攬輝天宇驚四海以先鳴振藻帝文冠
二京而獨立領袖髦士羽儀盛時惟昭陵選擢以遺四朝

故先帝延登以熙庶績道契千齡且謀當列聖之心兼濟之才發為霖雨前知之識効若元龜是以踐夷險而弗渝極寵靈而愈泰雍容出處無間可尋烜赫功名滋久彌白荐煩妙略留揔全師雖少鬱於具瞻用仰寬於北顧行歸公衮入贊御雲蓋選衆必屬於臯陶而用舊莫先於裴度一時多士詠德宇以傾心九服嘉生跂恩波而矯首人情如此神聽可知其猥以踈愚謬塵眇接收之已廢惠以不孤永懷莫報之大恩惟有少堅於晚節抱痾間里驚藜藿之既深極目山河悵旌旄之獨遠但勤瞻頌載踟寢興

賀洪樞使帥金陵啓

陸務觀

伏審祇奉宸綸寵司留鑰龍盤虎踞坐增形勢之雄箕張翼舒頓覺精明之改望降根本聲警遐荒恭惟某官學貫神明文周經緯鍾異祥於番水風推命世之賢應瑞讖於螺洲出擅濟時之輔早簡冕旒之眷徑躋簪橐之班視草鑿坡大手載傳於奕世判花鳳掖斯文咸萃於一門是謂儒者之至榮卓冠本朝之盛事既家聲之藹著宜衆望之攸歸遂自北扉進陞西府運籌制勝精神折千里之衝端委居朝文武為邦家之憲方賴謀猷之告后遽存明哲以保身謝公將慰於蒼生難從均逸裴度歸游於綠野孰與成功果奉賜環屢專分閫帝念當塗之控阨時資舊德

以鎮臨雖眷倚之甚優然經綸之未究爰受保釐之託式
寬憂顧之懷威名肅而軍律具嚴惠愛孚而民情胥洽方
將訓兵積粟備萬乘之時巡擊楫誓江贊九重之恢復深
入風雲之會大輸日月之忠行副巖瞻即持魁柄其自惟
鬼瑣久辱春知擢第太常誤塵衡鑒劾官偏壘復託旃幪
欣聞顯冊之頒獨陪常情之喜雖深賀履未遂趨隅小物
克勤遠繼畢公東郊之命膚公迄奏願歌宣王北伐之詩
賀劉樞使帥金陵啓
熊子復

當近畿而持要八命作牧得舊弼而尤尊宜秣陵衆大之
區寄樞筦老成之輔恭惟留守大資樞密望高一代眷
厚兩朝揮毫而萬象駿奔文上追於典誥運籌而千里決
勝武外暢於戎夷一別帝宸三移帥壺比親籌於宿望付
居守於別都穩駕高檣越洞庭而東下趣裝小隊望建鄴
而北歸雖神甸匪遙固方資於河潤然台宰尚缺宜早副
於巖瞻其幸託餘輝欣聆異渥把麾有守阻展慶於崇墉
弄翰不工謾控忱於竿牘

賀王樞使帥江西啓

黃仲秉

伏審欽奉制綸肅更齋鉞西樞舊府顯天官一面之朝南

紀上遊寄大國三軍之命兼注安危之意匪殊中外之途
立功立名甚善甚喜恭惟 某官剛雄蓄德忠敬存心四
紀服勤三朝著節愛民憂國自有從來樂事赴功未辭歷
試英聲宣於夷夏高誼薄於雲天殫邪而白簡凝霜次對
丹誠貫日爰寤聖神之主亟眷宥密之司東臨建鄴之雄
藩西闕豫章之幕府橐駝戩燾豈獨壯於戎亭藻火山龍
佇參華於宰席消辰及吉視事云初風以琴薰月惟陽正
願體六符之眷先精五鼎之調瞻頌之懷敷陳罔既

賀王樞使帥金陵啓

楊祐甫

伏惟起自祠宮典司留鑰文事必有武備兼資牧御之才
地利不如人和所賴安強之德命崇汲直喜動周行恭惟
某官博厚承天剛明有道張仲孝友獨流詠於中興許公
文章最賞音於上意自再登於丹地旋首冠於紫樞居安
慮危則威振於五兵講信修睦則志輕於萬里忠誠貫於
金石勲烈被于鼎彝方將為王者師如周尚父乃弃置人
間事從漢留侯幡然脫屣而還觀者自崖而嘆雖萬乘煩
重以政而四海思見其人爰畀上流不從中御保釐東郊
者畢公之休命臥鎮北門者裴度之異恩服以上公露冕
而章有德光于信史衣繡而歸故鄉隱若長城坐固吾圉
某早陪簪橐晚被陶甄方聞馬牛之風徒深燕雀之喜太

山名重雖 百二之雄三台色齊願應半千之運

賀魏大參帥紹興啓

程公巽

懇辭機務暫領番條聯秘殿以通班禮亦異數輔神京而
作屏威不違顏播告遐遐聳動觀聽恭惟 某官受天大
降為民先知障百川而回狂瀾卑傳正學洗萬古而空凡
馬獨備全材自居獻納之聯已負弼諧之望回翔甚久注
倚彌深昨趨召節之嚴亟踐仕途之峻風采聞於天下朋
黨去於朝廷以贊尚書萬幾之煩毅然退寵乃睠長安三
輔之重聊爾均休縉紳益具於巖瞻輦轂大蒙於河潤彤
弓彤矢姑作諸侯之師袞衣綉裳佇為天子之相某逖聞
殊渥喜托餘輝仰止高墉尚有山川之間懷哉小壘自憐
松菊之存願與閭閻之細民同頌廟堂之老子意傾深切
詞拙奚殫

聖宋名賢五百家播芳大全文粹卷第十七

賀啓

宰執除帥守

賀楊大叅帥本路潼川啓

李粹伯

伏審懇辭機柄違咫尺之天威出典侯封承丁寧之聖意
擁兩朝臺閣之望為西蜀家山之光鄉人歌舞於錦衣之
前父老懽迎於車塵之下舊膺知遇倍切懽悰切惟內外
之勢本無重輕君民之心豈限遠邇內而贊治則百揆四
岳共亮於天功外而長民則五侯九伯同尊於王室蓋無
為己之私念獨有濟世之公心惟所在焉無不可者况今

境土未收於三輔形勢蓋萃於四川當戰爭恢復之秋在
將相出入之地望分東梓境接坤維豈惟資千里餽餉之
功抑亦賴一方鎮撫之重恭惟 某官吾道先覺名世大
儒步崑崙第一峯擅海宇無雙價飛聲金闕振藻玉除從
容鸞鳳之班超越貂蟬之列力贊國是上結主

專倚屏垣之力畢公在外乃心常念於周家裴度
守藩每事不辭於唐政厚春陰於故國還夜直於禁林資
一代老成之謀成千載中興之業某曩蒙異顧誤錄寸長
曾向日邊獲掃門之為幸今從海角欲望塵而無階局促
江干低回吏責瞻南山之巖石空涉歲時活東海之波臣

期在朝夕

賀虞大參帥蜀啓

胡長文

伏審詔輟宗工威伸遠服宅百揆而熙帝載方隆虞舜之
疇咨整六師以修我戎出耀宣王之常武蓋君子係安危
之本而聖人權輕重之宜謂疆場無虞廊廟仰成於三事
而國家多故股肱宣力於四方此旦奭自陝以分而申甫
維周之翰我是用急初觀戎乘之啓行王曰邁歸已促介
圭之入覲迨及我宋鑒于有周小范有胷中百萬兵西賊
聞之膽驚破維敵上河朔十三策北邊皆其手撫摩皆以
柱石之大臣來任邊陲之重寄不圖今日復見我公恭惟

某官學根帝王名震夷夏湛如止水蘊丹青莫狀之虛
臺格于皇天富簡策莫傳之事業出入兼資於文武用舍
無心於行藏綠野召還有欲王留者西方事重果為朕行
乎蓋天降大任於是人故我獨賢勞於主事稍蔚為霖之
望來紓肝食之憂誰期并絡數千里之封復眩斗樞三十
載之後惟忠烈與策而相望故保釐命畢之成終一宣道
德之威可卜明良之會絕域小醜吾折箠筭之中原故疆
可傳檄定也竚疇嘉績入秉洪鈞某自隱豹於蒙山幸續
貂於阮舍又耳金甌之信未躬玉帳之趨遙跋前旌願依
大厦芻中羽扇吹渭水之秋風相印命圭賀苑林於鵬月
行臺多暇列鼎孔彰願益闕於冲和以上符於眷倚

賀文侍中帥河陽啓

蘇子由

力辭樞務得請名邦恩禮便蕃中外慶慰伏惟 某官輔
相三世始終一心器業崇深不言而四方自服道德高妙
無為而庶務以成此朝廷所以遲遲於均佚之書而士民
所以矍矍於保釐之命顧惟出處之義實係功名之終留
侯志於赤松晉安公於綠野油然自得夫豈不懷矧惟王
城密邇全洛政獨止於民社樂有助於林泉道大難名信
後來之莫繼民猶思治恐久安之未遑

賀梁丞相判建寧啓

熊子復

伏審懇避鈞衡屈臨屏翰紫宸加大官稱冠麟趾之高赤
舄方來府望壯龍潛之舊亮功既久歛惠維新竊以體貌
宗臣豈殊於中外股肱要部寔便於往來是故王沂公家
于青而初辭機務則鎮曲阜之邦李文定世于濮而始罷
鼎司則典涇昌之郡又况思皇多士夙皆冠於儒科圖任
舊人繼悉還於宰職是為希闊孰與等夷恭惟 判府大
觀文丞相蘊藉真儒規摹良弼嗣保衡專商之美輔帝舜
重老之華播物無私轉洪鈞若轉圜之易禦戎有要折遐
衡何折筭之勞方授神柄而推元臣迺倦台鼎而分新邑
書殿之崇大學士由來為寵丞相之恩板輿之奉太夫人
况復有近家園之便直熏潛封而倚泰階之重袞繡華服
而加畫錦之榮四國于藩出均於燕逸百寮是式旋入冠
於弼諧某猥迫衰齡浪擬劇邑嘗乞為祠觀香火之吏蒙
許陶成豈意與學校薰蒸之生共依教育

賀陳丞相判本州啓

林 豈塵

辭寵宰庭保釐藩服布衣而置上袞茲仕官之至榮畫錦
而歸故鄉迺富貴之極致傾朝歆艷載路游揚恭惟 某
官器碩而量宏道方而事實絕體貌于簪紱之上會精神
于簾陛之間霖雨作而大旱已蘇舟楫而用洪源久濟畫
象麒麟閣當後人咸知其名奪我鳳凰池想中書不作此

語蓋當軸久動於駸假故貢章願解於繁機能不伐而莫
與之事位既崇而必求其止明天子勉從厥志士大夫皆
屈此行且丞相乞歸猶未許常賢之請以本州相授庶少
償姜暮之功雖朝廷有繫於重輕然聖意欲均其勞逸輟
鈞衡之任而暫臨都會釋梁棟之材而姑借藩宣爰載歌
我徒我御之云歸其特若某水某丘之可指於周而保南
土因其謝人以作庸在晉則居東山當為蒼生而復起某
跂矚顯冊喜溢叢衿自惟嶺海之孤蹤曾是坯鎔之舊物
未門畫戟未能曳賀客之裾黃閣清風願再入翹材之館
其於歡頌曷以名言

侍從除帥

賀許尚書帥蜀啓

程子山

伏審天開綸綍煥日月之休光雲擁旌旄動江山之喜色
德望又隆於八座威名今乃於山川翹首傾瞻刻心悚慕
竊以禹貢惟敘分五服以正邦周制肇隆統十連而建牧
誕揚聲教寔賴蕃宣矧梁州奠而執玉塗山暨蜀道通而
承派豐水文翁建學肇興齊魯之風廉范下車咸詠袴襦
之政叱馭顯忠臣之操選材揚樂職之章自非夙著英聲
何以遠追前躅恭惟某官羽儀王室輔藻人文柄虛自
太歲之名宗鑒裁得汝南之品目早飛英於藝圃夙被眷

於淵衷諤諤縉紳之楷模堂堂國家之柱石卿雲呈瑞載
史筆於螭頭紅藥翻堦代王言於鳳閣謀猷出納存膺喉
舌之司事業替襄克任股肱之寄出專方面隱若長城爰
授節於文昌暫折衝於元帥南陽報政方騰愛日之休聲
右蜀頌條已播陽春之和氣岷峨擢秀參井增光竚聽高
吟一洗草堂之風月立臻美化再新石室之絃歌行俟袞
衣之歸克副金甌之選普施膏澤咸慰具瞻某翹望履聲
踈覘巖采雪山方重畫欽嚴尹之來鼎俎若動願獻王褒
之頌

賀楊尚書帥蜀啓

耿元鼎

光奉宸恩榮膺闡寄凡居屬部舉切懽悰竊以自昔雄藩
首稱全蜀一十五州之士悉隸封疆數千里地之師盡歸
節制實各重厚坐鎮浮華宣惠愛於遠方此倚毗之本意
恭惟某官德基宏遠識局深純奕世功名不替忠臣之
後歷朝議論共推仁者之言輟從喉舌之司出縮山河之
柄綸中羽扇暫寬憂顧之懷鼎席台階行副具瞻之望某
備負屬都託庇下風忻懌之私敘陳罔既

賀陳尚書帥建康啓

程子山

顯膺宸綽出鎮藩垣起鳩杖於安輿久著文昌之望刻麟
符於留鑰獨專方面之權成命始頒有識胥慶恭惟某

官器巖鼎重德宇泰寧學窮游夏之淵源道冠孟荀之羽
翼青錢萬中蔚為席上之珍丹桂一枝俯探囊中之物發
揮妙蘊游歷華津權衡萬典選之公喉舌副納言之任謀
猷告后方深眷倚之恩明哲保身遽露燕間之請煥崇資
於寶閣備真祿於琳宮念牧民無越於老成故謀帥特先
於近署矧秦淮之巨鎮實江左之雄都坐收撫御之功式
示蕃宣之寄漢祖之煩蕭相又寬西顧之憂周王之命畢
公益固東郊之守佇昭名績進陟台司某濫竊郡丞正叨
公訖捧觴薦醴阻効跡於鳧趨點翰濡毫徒馳心於燕賀
其為頌詠罔既敷宣

賀陳尚書除帥啓

熊子復

伏審光膺溫詔寵殿大邦兼制列城盡護諸將伏惟慶慰
恭以某官受才瓌傑賦識融明參輔政機早著三朝之
望勤勞王室雅膺萬乘之知體貌素隆勲庸甚盛果從祠
館畀付帥權上方圖任舊人紹隆丕烈惟朝夕側聽登延
申伯之式是南邦暫煩鎮撫山甫之保茲天子實副倚毗
貌是庸辱政依陶冶

賀葉尚書帥荆南啓

唐子西

伏審輟班常伯寵寄元戎內開邃嚴首預龜圖之祕上流
要重獨韻豹略之奇將士傾心羗胡褫氣竊以漢江之南

紀疆理是先荆楚晉之西門經營尤重蓋內接金陵之天
塹而外連玉壘之坤維豈惟守國之規模正德用兵之形
勢肆疇傑望往殿會藩十乘先行亦既佩龍淵之劍一戎
大定將共掛天山之弓恭惟 安撫龍學尚書卓識際天
精忠貫日嶽降神而生甫卓為命世之才尹以道而要湯
蚤負致君之學貳職版省則國計以裕導旨機廷則王猷
以宣連八座於中臺方資率屬總十連於大府式賴幹方
遙望兩都則故宗廟宮室灑掃有期畫護羣帥則舊營壘
麾幟光彩自倍某退惟踈拙深荷眷憐雖謀帥安邊喜遐
衝之坐折然知己在外歎孤跡之疇依意嚮采勤辭訥難

盡

賀吳給事除帥啓

熊子復

伏審妙簡全才特頒異數瑣闥入侍簪批敕之高風蕩節
守臨建守邊之長策摺紳拭目介胄傾心竊以制匈奴者
兩科詎執和親之利護長江者數處宜知險要之爭方夷
酋款塞之未堅而淮甸宿師之既久用疇夕拜往視秋防
營壘麾幟士卒無所更軍容要整障戍鎮守車馬果自治
敵讐可乘故雖輟從於甘泉何異親臨於細柳恭惟 宣
諭給事才閎而濟物器博而適時太上簡求蚤擢副端之
峻嗣皇眷倚驟陞亞旅之榮中疇牧御之才出受保釐之

命威不違於咫尺福并蒙於京師茲復近班蓋圖大任塗
歸是屬職同龍朔之舍人臨遣自殊恩用元和之故事方
將布天澤而軍情緩於挾纊占地利而兵勢順於建瓴錫
戎莫伺於藩籬虓將共成於倚角經營次第迄用有成輔
弼超遷其則不遠某逃將漕計竦聽除音猥縻軺傳之乘
莫覩橐鞬之屬意傾采切辭訥奚殫

賀秦龍學除帥啓

曾子固

伏審進參內閣就正中權聳然休光服於衆聽恭以某
官智周物表識在幾先跡達變通之才蚤推朝論英竒德
厚之氣實嗣於家聲惟先朝辟國之初而執事宣勞之際
摠齊邦賦已逾於三年攝領帥權名遍於諸路山川不離
於指顧草木亦孰其威名故一朝跡授鉞之榮而舉軍恨
登壇之晚幕府惟舊號令更新某積愧踈愚久塵盼獎妄
意功名之會恥專文字之間僮許屬鞬獲伍西河之士猶
能載筆往銘翰海之師瞻頌逾深情誠罔既

賀王待制帥荆南啓

宋 禹圭

伏審報政中都陞華次對密綴甘泉之法從雄鎮長江之
上游頓寬南顧之憂其得左符之選斷由當宁喜見在廷
諒深慶慰恭惟某官才為吏師術本王佐剛城百鍊試
之而所向無前器愛萬鍾用也而尚虛其半召自武昌之

浩入騰京兆之聲三府交稱十行渙號紫荷陞禁橐之貴
黃金賜華帶之榮謂游刃解牛既輦穀之下先彈壓想虛
絃洛鴈必樽俎之間可析衝誰謂公安乃得君重將嬪然
列置上哀湏遠矣賢若長城落日樓頭想未款依劉之對
受釐席上頤已深見賈之思其謬沐知憐方承芘覆隼旗
在望靡皇前綴於賀裾鳳沼遙歸尚幾先迎於召節其如
欣頌罔罄敷陳

賀虞侍郎帥廣啓

張 允休

明詔顯揚雄藩徙鎮蓋冠冕又通於南極故斧鉞今下於
青真却音一傳輿頌四起竊以踰甌閩而南為番禺郡自

李唐以來若東西州萃崑崙西海之寶財喧北戶南溟之
歌舞過城門已有數萬飲貪泉遂懷千金彼十賢之清政
無瑕雖萬代而高風可激矧蠻戶賈胡之雜處與洞丁蠻
落之難馴惟有其文武威風可以為蕃宣屏翰選帥於此
非公其誰恭惟經略侍郎先生孰厚而方嚴開亮而卓偉
雄論通於國體清文煥乎皇猷紫荷橐厭直於禁慮細蓮
幕榮開於東粵觀碁縱獵趣還現首之旌旂輸羽種柑來
省湘南之風俗方王怒赫北征之武然宸衷兼南顧之憂
願借高名改臨盛府寓章善清官之舊厭承明禁直之聯
龍戶集馬人來此本上日倚時之異環牛生齒雞下將興

未暮去早之歌某頃以孤生託於下客踈迹幾經於歲籥
浮沉難信於書郵因緣仕路之初登邂逅恩門之舊主桃
李想故蹊之猶在燕雀賀大厦之初成此非偶然亦有幸
爾畏章服為上官之揖豈曰不堪操凡杖從長者之謀自
今以始春風駘蕩化日舒遲想旌旆之戒行願鼎茵之珍
嗇

賀劉侍郎除帥啓

李成季

肅奉明綸存臨巨鎮當日之風流未遠宜民之歌頌猶新
凡屬傳聞莫增踊躍恭惟某官誠身有道抗志不羣蘊
經綸之才將兼善於天下富淵源之學又尚論於古人擢

秀儒林飛英仕路早膺簡眷屢罄謀謨含香握蘭迥出諸
公之右登車攬轡益馳八使之名亟躋禮樂之司爰作詩
書之帥載惟南楚尤盛星沙夾輔幾中為屏翰搢紳之冠
藩宣嶺表帖華夷遐邇之情遺愛宛然去思籍甚寇恂河
內居多願借之黎民黃霸潁川果見詔歸於舊治竊計朝
夕入輔冕旒輿望所同斯言匪佞某千里蒙潤一技偷安
頃緣大旆之經過幸獲光塵之披覩第深山仰尚阻鳧趨
慶抃之誠敷宣奚盡

帥臣

賀李帥啓

鄭厚

伏審行殿疏恩奉十行之綸綍介藩作鎮權一路之節旌
德與地隆望無權重餘輝所暨善頌惟均恭惟 某官冠
世才猷際天器識注倚獨隆於睿眷清華歷踐於亨塗公
忠之心皦如白日朝野之蒼穆若清風以卓犖絕俗之能
而經綸當世之務木牛紅粟總淮田之轉輸竹馬黃童慶
長沙之屏翰撥煩剽劇游刃有餘制變來危投機無間眷
五羊之興壤控百粵之上游非得二千石之惟良曷有十
四州之倚重移忠於孝從義以權佇觀五月而報成仰副
九重之簡在明主獨觀萬化思贊中興刺史入為三公行
膺峻擢某幸茲貳肩屬在提封但負弩以趨承第搖旌而
悵望其為快詠實倍等夷

賀范帥啓

李成季

光膺嘉命更鎮雄藩愛養利源適乘輅於東部統制方面
遽握節於西州在君子之時升宜天下之同慶况居屬郡
良切懽悰願惟安化之河關寔據昆夷之衿背苟知其策
則矢時不試一失其御則疆隅屢驚必資忠智之臣以副
朝廷之眷伏惟 某官家聲著代世德在民阜有高明之
才夙懷康濟之志輟從禁從暫守帥垣人蒙真枕之安國
賴長城之固避子亭之坐可想遺風立棠棣之碑何慙往
躅竚還闔寄入贊冢司某限守州符阻趨鈞屏

賀李帥啓

周少蘊

抗章力請優詔曲從暫勞論蜀之行益見回天之力恭惟
某官致知格物學道愛人親承西洛之正傳獨殿中都
之諸老至於盤礴游戲之翰墨嬉笑怒罵之文章過黃初
而有餘嗟正始之復見飛騰遙路頌徇監之吹噓散落遐
荒寧付雞林之裁鑑比號九天之號召已傾四海之觀瞻
不俟駕行命義雖存於大戒可以理遣忠孝果得而兩全
方帥聞之久虛以計司而分涖仰惟臺省清華之宿望加
以山林高逸之雅懷一琴一龜預想鈴齋之靜三薰三沐
尚從藥市之游拊躍之深敷陳罔既

賀呂帥啓

熊子復

伏審渙出宸綸昇耒帥屏仍進寶儲之直以光英蕩之行
竊以六朝最重於廣陵十國莫先於連率雖臺瑩苑瞻古
跡之猶存虎節魚符眷兵權之特重况今日方圖於恢復
而此邦素積於經營築壘新城乃上相督師之所募兵北
府寔元戎練武之都匪簡瑰才曷堪隆委恭惟 安撫寶
文檢詳道器宏遠德宇靚深膺冕旒之殊知歷臺省之要
任接官聯於西府載糾愆違將使指於朔庭肆堅歡好復
命甫朝於宸扆跡思尋貳於計臺廣內天高進圖書之邃
直惟揚地重易淮海之雄藩某近別崇墉逃傳華渚有嚴

節弁即復於光儀不腆緘滕敢預將於誠意

賀李帥啓

王履道

伏審載圖外庸存賜中渥乃眷禁嚴之舊德往提閩陝之
全師詔命既傳士民相賀恭惟 某官才宏而濟博器遠
而用周動必照幾微之先用能識文武之大理財富國極
山積而川流制勝安邊每風驅而電掃效愈白則忌者衆
謗雖巧而功愈明願全雍之一方劇西京之三輔旁連楚
蜀外控羗戎水陸輻湊而貨泉亟更物產阜蕃而儲蓄未
稱實藉智略仰寬願憂奉三接之榮諒深當於帝意圖萬
機之重即入亮於天工其最為拙疎自安窮蹇正可出於
跨下豈有畫於幕中方當仰窺榮衛之嚴所以大慰平昔
之望儻遂諧於發藥真有異於息慙

賀鄧帥啓

林 豈塵

伏審旂幢遠邁原隰有光幕府新聞肴驛交賀阻下當塗
之拜趣修記室之書恭惟 某官愿潔而淵冲直方而開
亮高堅之尚得於卓爾剛大之氣養其浩然故平生學術
之自期皆今日仕宦之張本拒擗犂孤塗單于之命嘗聞
未應為鴈鷺之詩宣繡衣持斧直指之威亦有安復問狐
狸之語去惡如去草而勿使能植牧人猶牧羊而無令敗
羣政適於中課居其最席使君厭東湖之樂鄭尚書承南

海之源方歌業業以徂齊爰喜番番而入謝姓名初記於
廳壁謳歌競發於江城龍戶集馬人來事皆知其殊異硯
匣封印文合主將見於高春酌貪泉之水而清性不渝躬
扶胥之祠而丹衷益謹去蚌復還於合浦沈犀可記於石
門釋逋緜不啻二萬金通夷舶何止四十柁五羊化石再
傳仙人持穗之祥兩鹿夾車當協宰相畫車之兆即後歸
朝之疾詎容遮道之留某遭幸自天蒙恩有地進莫陪於
賀容喜益得於吾賢矧獨憐鴛蹇之蹤將有事奔走之後
戍瓜可往行李尚遲酷似溧陽之酸寒誰說樊川之顛顛
徒想其凝清香而森畫戟猶異其泛綠水以依紅蓮一時

得人願在竇平從事之列他年遺愛請陳譚瓌司草之辭

賀豐帥啓

朱廷玉

寵被恩綸榮司留鑰仁賢所至民吏相驩恭惟其官國
器宏深天姿純正言動皆君子之法出處有古人之風早
升要塗益聳清望道學有本得之自然政事不煩聞者皆
見惟別都之重鎮須近侍之名臣克狀藩垣或宣惠澤報
政之速固無俟於暮年為國之光將入升於近弼某素承
知遇竊獲庇庥顧望履之有期實瞻風而自幸

賀李帥啓

鄭厚

轅門仗鉞掃狂寇之陸梁天陛幽綸渙宸恩之優異廉印

既還於舊貫左符仍渙於新題內聯八貫之官班外擁中
權之節制寵兼三接榮貫一時除目所加僉言惟允恭惟
某官虎頭封相猿臂家聲凜朔氣以橫秋挺精忠而貫
日雅量素推於邃密清風特見於謙虛抱節起家欲效
庭之訓以身許國遂多金印之祥埒淮陰背水之功邁
德斷喬之勇比者山溪之際寇竊為群蹂躪方州震驚
生齒屬鋒軍之人覲率王旅以徂征未經歷於旬時已殄
殲於醜類初聞廟筭欣千載之難逢既策戎勲沛九天之
浚渥果見功名於韓白佇觀政事之龔黃某頃以蓬蹤叨
居蓮幕側聞盛舉良慰卑悰撫官職之羈縻恨閔山之遼
邈

賓階引步阻觀森戟之陳驛騎傳音敢後摩牋之慶

賀沈帥啓

李知幾

摠十連而謀帥欲歡西顧之憂護諸將以籌邊益懋中權
之寄惟今日之重既歸之蜀而上意所指無以易公參聽
明綸倍歡遠俗竊以去天數萬里且拏兵無休息之期提
封五十州又仰食有供湏之急重以三路之深入致此四
川之益憂自非受養根本而深不拔之基何以撫集瘡痍
而圖善後之計上所注倚者其或在此公肯遠來者固欲
安之向風知歸頓足自喜伏惟某官聰明而夷粹肅括
而宏深學術東遷孔孟以來人物南度王謝而上昭回顯

策助成西漢爾雅之淳剴切謹言 出三代直道之懿向
者乘輅不測之使屬聞造膝無疆之陳乃今利害之甚明
豈惟是非之方定尚遲爰立特煩此行聖天子元年奉禮
樂臨遣之寵太夫人萬福承板輿燕喜之懽矧六閣峻西
清之華而元戎將北伐之舉徒得君重屈裴度親淮蔡之
師無以公歸須成王正周召之位如某為生晚晚受性奇
窮學者備負昔有青天披雲之幸泮林側翅今復飛鳥依
人之心豈敢援嚴尹少陵之舊蹤庶幾似東坡後山之前
軌其為欣幸未易宣言

京尹

賀大尹啓

史天秩

出司真館行安去國之遲入守神州勉就治民之試邠函
報喜海縣交歡竊以天子千里之畿京師諸夏之本水陸
扼舟車之會衣冠當風俗之樞歷古開基建官作尹嚴明
有政槩發如神下筆不差於毫釐持法必隱其端迹既輦
轂之下莫先於彈壓然罪人所在尤重於平反必資鎮靜
之流克處浩穰之寄恭惟 某官天民先覺王佐奇材步
武詞垣道山增重提衡銓選金鑑沉輝偶賢運之半千對
天顏之咫尺羣而不黨公爾忘私仁為守而義為行合則
進而否則退投閑乃分養浩益剛斷自上心召還要地人

莫涯其蘊猶渾金璞玉之難名士相賀於朝若甘露景星
之始見暫輟調羹之手俾居揖板之聯為卿士而尹王都
以儒雅而飾吏事豪強斂手桴鼓稀鳴當堯舜五帝之時
行趙張三王之職蕭望之才堪師傳本京兆以考功邵信
臣名重朝廷自河南而報政真宰相此其選也大丈夫達
則行之其祿薦卑棲韓門晚進尚闕披雲之覲空懷賀厦
之心

賀大尹啓

何仲遠

伏審顯膺宸詔尹正邦畿名躋內閣之嚴職峻中都之任
綸音誕布輿議交歡恭惟某官粹德表時沉謀經世識

達後先之序才周左右之宜人望益隆主知浸厚棘廷議
讞持平久著於四方天府試能報政豈煩於五月未淹浹
日已煥除書輔神州赤縣之居方資練達直寶珍圖之
祕上副諮詢飛揚張趙之英聲光大夔龍之遠業暫由三
輔即踐中台某頃以攝承嘗依隸屬側聞成命第切欣悰
徒深燕賀之誠莫預鳧趨之列載惟瞻詠曷既敷宣
聖宋名賢五百家播芳大全文粹卷第十七

聖宋名賢五百家播芳大全文粹卷第十八

賀啓

都督

賀陳丞相兼都督仍兼宣撫啓

熊子復

伏以神旌北指方進取於中原天仗東旋獨仰成於上宰
董數路飛翰之旅慰兩河塗炭之民朝野懽呼華夷震疊
竊以昔晉襲魏而崇都督之任故謝文靖以元臣揔衆遂
捷淮淝我宋以唐而抗宣撫之權故韓獻肅以冢輔臨邊
果屈靈夏曠古今而一遇邀前後以相望昨屬羌胡輒渝
盟誓騎塹既蒙於淮甸邊鋒亦警於漢襄獨犯歲星之所

臨咸料佛狸之必死獫狁孔熾我是用急大駕以按臨徐
方不回王曰還歸留上台而經略肆揚大冊兼畀重權蓋
漢將多才賴陳平之畫護而蔡人新服資裴度之來宣恭
惟 都督宣撫僕射相公大業格天遠猷經世曾蟠萬卷
聊試出其緒餘掌玩四夷率皆得其要領時方無虞則裨
贊廟謨而存持正之體世或有警則措畫邊鎖而高應變
之才惟天闕於成功宜帝資於良弼比隨清蹕往視連營
借前勦於張良屢決帷中之勝示輿圖於鄧禹特分麾下
之軍方將施發縱指示之謀布還定安集之政豈特使河
南之復庶幾令漠北之空既咨方叔元老之狀猷誰謂匈
奴中國之堅敵某夙陶垓北逃蔭熒煌靜觀形勢之張仰
羨規摹之壯猥縻使傳阻造軍門相同德而迄天誅即致
干戈之戢奏膚公而定王國仍觀袞繡之歸

賀張丞相兼都督啓

蘭 巨功

疇咨元老首冠鴻樞自祖宗欲再相於舊臣先施此典宜
神聖又一新於督府爰舉徽章國重以人德浮於位恭惟
某官道侔三代之佐學關百世之師即之溫然乃名滿
寰區而不處識其小者謂才兼文武之有餘國論萬變而
守如初孤忠百鍊而難於合胡馬南牧折筭以斃其首袞
衣東征投戈而拜吾父與其淹恤於邊闡曷若造歸於廟

堂蓋欲傾海以洗乾坤公之始願則不以賊而遺君父誓
不俱生上勉徇於精誠禮姑崇於宥密關河響動華夏氣
舒萬口驩呼孰不誦諸葛出師之表諸生延竚又將賡武
公入相之詩某吏畢言還郵傳聿至語心獨喜尚見太平
於桑蔭未徙之間引頸非遙行望餘光於槐陰已成之下
賀呂丞相除都督啓
李老俞

再頒命冊誕誥多方極三公保傳之尊摠四海兵戎之寄
注安危之兩意天子是毗備文武之兼資萬邦為憲允維
新命屬在宗公綸綍既行神人共喜切惟宰相之用捨寔
繫宗社之興衰考諸前人頗有異論好持重者以不言為

有體樂清靜者謂無事為可宗且端拜廊廟而享太平何
暇出旌旄而從戎事殊不知伊尹相湯而伐桀乃作阿衡
蕭何輔漢以滅秦遂為丞相仰惟都督是總大師東晉獨
王導首專其權南宋在義恭嘗假其節豈特擅專伐生殺
之柄且將責綏懷招撫之方風勵百蠻部分諸將任固隆
於分陝威已重於專征恭惟某官勲冠百工道隆三事
豺狼巨猾悉就誅夷草木微生成歸燮理入則履赤舄而
几几出則揚白旆之央央假八路經略之謀兼二府樞機
之要雖勞間寄仍領台司某猥與司民同依大庇其為幸
願倍積悃悃

賀湯丞相兼都督啓

洪景伯

伏以首顛國秉併董戎昭馳中郎之使於單于將備正名
之典兼太尉之官於丞相示恢偃武之圖萬里揚聲百蠻
褫氣竊以摠兩科之見利漢固守於和親咨壹德以視師
唐必先於釐宥蓋交鄰國有道而重啓邊釁况用真儒無
敵而匪緣兵威矧夫華夷要約之未堅江淮戍役之久暴
用疇上宰悉護諸軍定功而不為貪功和衆而非以動衆
雖採晉朝之官號實符治古之師行東征若周公將是皇
於四國北伐如吉甫本為憲於萬邦坐令聖武之昭自致
人兵之屈恭惟平章都督僕射相公道闕百聖功冠兩
朝輔帝舜以重華方制蠻夷之猾夏佐有商而專美深虞
甲冑之起戎議靡惑於拘孿識自參於寥廓果堅上意允
合民心廟筭不移勵節宜加於體貌兵權是摠折衝正賴
於精神收發縱指示之功廣輔贊彌縫之用某夙陶鈞播
益聳巖瞻四方時靡有爭會見甲兵之洗三公官不必備
即聞哀繡之迎

賀陳丞相兼都督仍兼宣撫啓

朱子發

伏審疇咨上相經略中原運動神機董虎貌之諸帥布宣
天澤弔鴻鴈之遺民威聲聞節斧之臨喜色見篲壺之迓
竊以陳平盡獲諸將果收破楚之勲裴度往釐征夫迄底

平淮之績以帷幄之傑而授戎略以廟堂之宰而敷帝恩
攷之古今僅有一二况文昌之左輔摠天討之中權蓋虞
帝東巡方慰岱宗之望故宣王北伐獨資吉甫之猷事有
至難時弗可失恭惟 都督宣撫僕射相公經邦任大濟
世才高武王誕將天威有若闕夫高帝能用人傑不如子
房陪清蹕之時巡致穹廬之宵遁天旋日轉王曰還歸霆
掃風除虜期殄滅屬吾元老成此大功方將俘馘首豪灑
掃陵廟遣戎兵以陟禹迹使吏士復見漢儀某馳傳所縻
拜塵伊阻路車乘馬

仰 旦威袞衣繡裳而迎周公佇聆奏愷

賀葉樞密兼都督啓

白 宋瑞

分憂宸極督戰江干諸將四馳競掃滔天之敵中原一混
悉歸輿地之圖宇宙廓清神人歡喜竊以蠻夷猾夏臯陶
務正於典刑戎狄亂華孔子尤嚴於筆削蓋以豺狼之當
道必率禽獸以食人此智者見微而預圖而仁人感憤以
源涕蠡茲羯虜介彼朔方以其地則不大於周之蠻荆以
其民則不敵於漢之甌粵驅馳狡衆蹂躪神州清蹕翠華
又駐東巡之駕白麾黃鉞未消北顧之憂腥風吹射於四
方虐焰派移於三紀謀臣策士嘗歷筭以周思悍卒武夫
亦遊談於聚議雖曰厲乃戈而鍛乃刃孰能犁其庭而掃

其間豈知興衰撥亂之功高待極溺救焚之手恭惟某
官洪深而肅括剛大以直方上帝降康特賚傳巖之說皇
天眷命挺生崧嶽之中高明百世之師智勇萬人之傑自
奮身於朝列尤切齒於寇讎固嘗登灞岸以望長安涕洟
交集幾欲會涿郡而絕大漠寤寐不忘逮秉西樞亟圖北
伐念衆人有所不識惟明主可與忠言廟謨朝奏於九天
邊警募馳於四鄙士皆沮駭公獨請行謝安當淝水之師
了無懼色裴度董淮西之役敢計還期籌帷端坐於一麾
軍氣頓增於百倍旌旗所指漿食爭迎前徒奔潰以倒戈
元惡逡巡而授首斷鼉足以立四極射旄頭以靖八荒故

國山川盡入職方之貢賦中原父老重瞻司隸之威儀曠
古所難非公孰克第功行賞當冠漢庭之十八侯裂土分
茅行錫魯邦之七百里其迹遠六符之采親聞三捷之音
上喜慰祖宗在天之靈下幸息黔黎塗地之苦河如帶而
山如礪莫紀元功墨成海而筆成倉難形善頌

賀吳少師易節啓

毛伯頴

王者之兵本仁義方恢闢國之功天下之將通神明允賴
杆城之略折遐衝於萬里注睿想於九重治兵方靖於朔
庭求士每開於東閣雖條侯之得劇孟已坐制於敵情而
許歷之謁趙奢猶願言於軍事爰自胡星之彗字存經

海之沸騰率毡裘挽弓之民脅潢池弄兵之子荐為虵豕
既污秦地於神臯未取鯨鯢敢睨蜀都之沃壤仇讎密邇
疆場多虞長戟勁弓雖保山河之固靡衣媮食但期旦夕
之安遠貽當宁之憂每重登壇之舉聽鼓鼙而思將帥之
任賜弓矢以專征伐之威爰得偉人以付全蜀岷梁境土
坐取奠枕之安衛霍功名僅陪扶藪之役究觀古昔孰與
等夷恭惟 某官天挺沉雄神資果毅隱若敵國典刑肅
著於家聲賢於長城方略力扶於帝室任既隆於分閫志
尤切於請纓綸中屯渭上之師繡帽識山西之將采詩書
禮樂而成其利有智信嚴勇而無以仁仰遵神武不殺之

威盡得上兵伐謀之道橐堯戟燾肅中權後勁之儀鼓鐸
獨鏡致布令陳辭之用兗渠震懾羣醜追奔細柳營屯但
聽亞夫之令曲梁行陳孰干魏絳之刑思屬風雲威加草
木廓清氛祲何止勒燕然之銘宣鴨威靈固將繼管平之
頌申信賞於山河之誓參休聲於金石之和不日而成惟
天所授某衰遲末路冗散下僚雖從齊魯之師儒頗慕秦
梁之節義金閨通籍造懷鉉枹槩之流油膜克員無走章
馳檄之效久積依劉之願遂諧御李之榮實獲我心云胡
不喜洗心滌慮儻陪鈐下之簪裾頌德歌功願備囊中之
翰墨

賀張都督啓

張少瑜

遵命廟謨按行邊境文昌上相光臨牛斗之墟太一靈旗
潛正鯨鯢之戮岳祗脩貢湘后靜波縱巨艦之千艘來長
風之萬里賦青丘而吞雲夢遂播前歌登灞岸而望長安
方觀盛舉氣澄地表喜動天顏中興可期天下幸甚恭以
某官精忠貫日勁節橫秋論思自結於主知康濟累陪
於國是虞淵靜難并浴宣威整頓乾坤實社稷萬年之幸
用作霖雨蓋君臣千載之逢揆路揚輝斗樞無運四海之
亂離瘼矣敢憚于行重湖之戶口蕭然請觀其變齋壇受
鉞柔日建牙望實所符神人攸相仁風義象初不待於交
兵兇渠逆傳旋即聞於授首信威殊俗振旅還朝晉公之
威譽已隆既平淮蔡蜀相之盈心益壯當定中原方與士
夫同茲勲伐某侵尋晚景孤苦餘生榮養不留明恩未報
膚功咸喜敢
之詩來事可為願贊燕然之勒路遙
北関氣爽西山異精五鼎之調式副六符之倚

宣撫

賀楊郡王除宣撫啓

劉子翬

伏審簡在宸衷倚敷廟筭諒武王而肆伐已高尚父之勲
命召虎以來宣庶盡淮夷之寇摠熊羆之列將拯鴻鴈之
遺民萬里揚聲百蠻褫氣恭惟 宣撫太傅郡王才長而

應博任大而眷隆高密元勳冠漢室中興之將汾陽偉業
為唐家異姓之王勤勞又扈於巖除威譽遠馳於沙漠北
提禁旅屬破胡兵屬大駕之還歸付中原之經畧方將布
天恩而軍情暖於人續據地利而兵勢順於建瓴瞻望兩
都則故宗廟宮室灑掃有期指麾諸將則舊營壘麾幟精
彩自倍其猥縻駟傳阻拜轅門四方時靡有爭者即清于
王略三公官不必備還遂陟於師垣

賀吳樞使除宣撫啓

劉子駒

聖主乃眷此方慨然南面而歎諸將未有所屬命我西樞
之臣往臨漢中填服境外豈徒連營喜而動色固亦敵國

畏而寢謀諒天啓於睿衷使公畢於能事蓋新安之晚歲
頗失統御之和况武興之重屯莫知斗伍之數盡除斯敵
今正其時恭惟 某官深被東知再居宥密必為國家畫
經久之策遂於疆場圖備豫之方宿兵三邊而部分未甚
明錦地萬里而緩急何以守莫若坐轅門而申令咸得超
軍伍而自言名相推舉足以見議論之公退而考察然後
究才能之實昔周世宗於是拔以次而為何微之代近曲
將軍以北選於衆而得吳玠之才既擇良將而付之戰攻
又建強藩而為之扞蔽果令形勢可得而恃則免倉卒不
知所圖是為節制之師悉據要害之地明公可歸廟堂而

端委有事則出羽檄而指揮一定規模但觀機會當宁垂衣而何慮寰區奠枕而不憂率土之濱莫非王臣無可收於故地生民以來未有夫子孰得此於元勳某切願明公之名高出古人之上輒陳鄙夫管穴之見皆本當縉紳之談敢冀高明或垂採納

賀王殿學除宣撫啓

馬子才

神旗翠蓋方展義於江吳大纛高牙實寄賢於岷蜀采簪紳之宿望仗樽俎之宏謀長城巨防致邊烽之帖息輕裘緩帶見民堵之徵呼鼎彝方奏於隆勳篋櫝無收於遺雋擊轅拊缶雖慙白雪之音彈憤振衣願附青雲之足恭惟

某官明堂杞梓清廟璫璣李閭淵源博聞強識之君子知謀經緯簡德易業之賢人戎昭累試於介藩譽處獨高於清橐屬聖王念坤維之彫瘵命大臣申巽號之撫綏讀書命於行臺儼軍容於大府轅門玉帳精神折於遐衝羽扇綸巾謀慮憺於勅敵不愆于素克壯其猷朱英綠滕益盛魯公之徒旅彤弓鈔矢將錫晉侯之典章丕昭帝圖懋建臣績某瑣才弱質情學局聞恥湮替於家聲冀徊翔於藝苑義冠結綬幸隨材閣之賓抱槩懷鉉誤玷蘭臺之侶未愚自守藍縷無成比牒併名皆踐公卿之貴閑閑却掃盍謀田里之歸未成三徑之資猶蓄一麾之祿念獲親於

言笑深願就於範模雖抱影於空廬每馳情於交戟烏則
擇木果依嘉蔭而棲魚潛在淵當幸餘波之潤

賀虞尚書除宣撫啓

邵公濟

光奉制詞併跡典禮分符節而出使賜鈇鉞以專征進龍
閣首冠於羣儒升虎帳大護於諸將慶閔宗社歡動神人
恭惟 其官博宏大宏深高明忠恕揚歷三朝之舊進登八
座之尊家傳素書國有青史夙奉間燕之對初不言兵終
建保蜀之勲自能却敵異論存興而功愈白邪說中熾而
道益尊雖滔天之甚危欲毀日之安可公不為動上果無
疑惟君臣賢聖之相知實天地鬼神之陰相宣王止勤於

北伐周公正賴於東征當上命之初頒均下情而共快狂
寇望風而退舍齊民指日以奠居人若更生虜將送死某
盤跚不進結約無竒悼一飽之何時窘千憂而繼日官已
辭於州縣迹將遁於山林恐終負於吹噓每自傷其流落
裴度之平淮蔡得退之以載頌詩李晟之復長安屬公異
而為露布頌茲文之美實為賓主之榮念欲報於大恩
或有須於末役自暫不武敢曰論文果獲紀於成功庶得
陪於盛事

賀虞宣撫啓

李仲之

聖天子明見萬里深軫邊方賢宰相外撫四夷式酬睿意

大庭敷命諸夏傾心切心生廟堂而進退百官者台輔之
權填方面而鞭笞羣兇者將臣之事內而身臂之使指外
而手足之捍頭任有不同才惟各稱成王造周而西處一
相王稟輔晉則出督諸軍何大場輟輔弼之臣蓋朝廷重
本根之地雖主道治近不治遠然圣人視外猶視中禮樂
因任於而臣詩書亦謀於元帥然抵掌鳴劍者武夫至於
輕敵而雅歌役壺者儒臣足以折衝故羊祜鎮南夏則陸
抗深服其威祖逖據譙城而石勒不敢為寇是宜外闡咸
寄重臣恭惟 某官天下偉人本朝元老李者山斗國之
耆龜忠人出於本心文章特其餘事曩長江之間釁致寇

盜之憑陵百萬兇徒衆實繫於泚水二三大將誰有志於
伊吾遂從言語之官出搃師徒之任此方圍碁而對客謂
尺箠之可笞彼欲投鞭而斷流竟隻輪之不返凱歌既奏
袞衣以歸旋持西府之權許奉東征之使隱若敵國賢於
長城俄別玉屏歸調金鼎中國相司馬而無生事已折虜
心江左有夷吾而復何憂卒歸朝望志常在於報國位豈
樂於愛身更欲安邊而立功名不忍留賊以遺君父爰上
封章之請即加節鉞之榮願方歡結於兩宮暫煩卧護於
諸將左右師保之永賴出入將相之有餘草木已知其威
名乾坤更賴其整頓天其或者生晟本為萬人帝曰欽哉

倚度足破方鎮某師門曲士洪造微生獲於聖時逢此盛
舉十陵祖考之咸相三秦父老之喜來還中原之舊都行
獎三軍之衆空朔庭於塞上佇觀一舉之功

賀王宣撫啓

李仲言

天子明見萬里寬盛時西顧之憂地官用知九州尚使節
東歸之援惟去留輕重之注意故內外彼此之無心蜀道
十年其已久矣漢庭一札尚切遲之安敢飾泛二稱慶之
言特願致區二遠來之說某聞仁義之論至近世言之而
無補財賦之路在有司取之而益深十萬告行大將誰知
力辦千金取信一日安可緩圖疲心於木牛流馬之煩巧

計於水舟陸馱之苦愛民則兵匱養兵則民窮古來計通
變之才竟無無兩全之策豈有兵出某年如太平無事之
日財歸外府無一錢意外之求智名勇功清議甚白道王
權伯微意不傳成規粲然端可百世而不易陰德大矣豈
宜千人之必封某又聞遣使實難在古甚重於平時道達
德意尤不可忽矧兵聞指授將帥豈曰姑行近者官軍卷
甲敵境可為寒心苟非王人仗節闔門立致解體此何止
吾蜀之利害固多繫宗社之安危唯公智識之高當時擾
攘之際不獨裴度准蔡三州之重要是春秋四海之通義
留無嫌何以為報會且歸矣社而稷之伏惟 某官學明

而氣高才博而意遠元祐之降得南豈豫章之正傳永嘉
以還有茂洪安石之可恃如五福太一之臨蜀若長城百
萬之折衝荷橐陞榮念法從貳卿之甚眷袞衣賜服當樞
衡九府之久虛某之此來公尚幸見陪下客以學為政庶
幾一言終身之依開東閣以招賢人端欲異時九鼎之重
其餘欣詠未究敷宣

太尉

賀蔡太尉啓

翟公巽

伏覩詔制廣西蠻洞納土置南丹州幅員萬里冊拜太尉
者臨軒用樂以答元功告廟策勳以崇殊典蓋名器以實

浮而增重惟德量改寵至而不驚戎夏聳聞神人溢喜古
者天子有道守在四夷賢人在朝折衝千里維時巨室必
有世臣使其國勢之輕重繫於存亡人財之盛衰視其進
退崇堂遠地知簾陛之難攀猛獸在山歎藜藿之不採當
今之世捨公其誰恭惟 太尉輔翼聖朝股肱帝室躬回
天之勢而人主不忌有益世之畧而天下莫爭乃眷蠻方
悉歸輿地闢國百里顧豈尋常通道九夷比為狹隘用能
當四輔三公之冠專五侯九伯之任兼軍國之異容極將
相之隆數采威有克壯之元老先競以列文之辟公而况
今者符貺並不君臣歸美歛嘉祥以誕敷弘德興雅頌以

文致太平主上虛已以聽公明公宏度以鎮物叶此羣后
之讓永觀晟樂之成歸如九鼎之安靈承帝座之固

賀呂太尉啓

葛魯卿

伏審集路朝之班誕揚制命出少府之節榮付帥垣輟祕
殿儒學之英提和門韜略之要上心圖舊輿論交歡伏惟
某官資武以文氣剛而塞林有亨嘉之會了無強從之
容蚤識拔於先朝嘗參持於大政入而計謨在道非臯夔
之策不陳出則談笑臨邊比方虎之才何歎矧醜虜跳梁
之際當高奴扞禦之衝敢嘯大羊未櫻貔虎將五權而兼
用月三捷以告功增秩賜金屢回於睽注登壇受鉞尤示

於褒崇某夙荷知憐數承眄矚側聽都俞之寵良深抃懽
之懷其在詠思曷勝敷叙

賀張太尉啓

崔聽符

伏審誕頒庠制寵陟將壇喜氣光朝驪聲載路恭惟某
官直清博大沉厚高明出入五朝身任四海之重雍容三
省望俱九鼎之崇留摠全師存彌累歲繕保勝安邊之策
百廢具興奮鉤深致遠之威狂謀自寢果聞顯渥敷告治
朝豈獨光昭於弼臣固已聳震於夷虜夫雄藩巨鎮固人
情之所共榮而大蠹高牙在儒者乃為可貴而名實之具
美揆古今而罕儔始游翰墨之場嘗先四海之英俊逮徧

機衡之任遂秉一方之節旄凡此致身富貴之功實惟兼
資文武之效元老全德夫何方虎之敢倫遠馭長駟必適
周召而後止某被眷惟厚受恩最深方深節制之尊未恨
身名之晚其為欣抃更倍等夷

賀呂太尉啓

黃景聲

勲書盟府寵錫師中朝野僉諧華戎同慶伏惟某官本
朝元老名世宗儒傳孔孟之微言藹臯夔之素望廟堂餘
事何拘文武之方江漢竒功無取十城之末豈特復近年
之棄地蓋將補前代之拙謀九壘相望隱若金湯之固七
軍用命坐收茅土之勲然登墻於二紀之前受鉞於百罹

之後果有天工之陰隲何須人事之多途白翟烏延久任
有同於里社碧油紅旆晝歸終遠於鄉閭少紆籌筭之衡
固卒混同之業某以馳鷹塞晚卧熊湘行吟於楚澤之中
賈勇於漁舟之上樓船下瀨難施矍鑠之能袞職東歸敢
獻穆清之頌

賀劉太尉啓

程元裕

伏審顯承制命榮建干旄公議所歸輿情交抃伏惟某
官秉心忠厚率履端修威名久著於邊郵眷任素隆於中
宸果膺異寵顯貳元戎某首承翰褭之勤第切惓惓之愧
凝寒在序珍畜是祈

賀辛太尉啓

某內翰

出宣威命起進使權肅提貔虎之師俯鎮甌閩之地先聲
所被屬部知歸恭惟 某官學動韜鈴家傳旄鉞名馳聞
外常坐折於遐衡族冠山西夙有聞於當世又從艱險備
著忠勞暫寬南顧之憂即正中權之拜某須臾從橐每接
朝裾方得請於符章遂託安於旌節馳攘暴亂已聞鄰境
之清蘇息彫疲佇慰部民之望其為欣幸難盡敷陳

賀文太尉啓

方雲翼

伏審誕布冊書榮更將鉞衍封多賦增秩上公聖朝褒德
而祿賢勲臣加地以進律逃聞休命良切抃悰伏惟 某

官王國表臣天元間氣夙稟忠嘉之德尤高文武之能先
帝東賢蚤參於机務聖王圖舊久付於邊權殄逆節於羗
夷先聲於靈夏疆梁褫氣擴戾悛心請為藩翰之臣永獻
河山之誓方銘功於彝器宜紀象於雲臺歸冠窠寮叶調
鼎鉉某塞垣庀事慶牘後時遐全節麾第動心自其為抃
仰末易究陳

賀太尉啓

程子山

光奉制書榮加寵命伏惟慶慰伏以 太尉相公天資全
德岳降上靈黃石一編早契神傳之妙傳巖三命式符帝
賚之祥爰自蘭鐻訓兵齋壇謀帥伏波方畧既闡合於孫

吳邵毅詩書遂率先於狐趙而鑿門受律堅壁防秋斬級
雲中克清氛祲散金廡下大振威名旂常備載於勲庸屏
翰益光於倚注式分右地爰踐中台申伯藩宣諒夾輔於
周室陵干偃息蓋卧治於淮陽今者肆類郊丘推恩方鎮
進掌武之秩用冠三公加食菜之封更踰千戶聖朝之尚
德見明詔以褒功慰四海之具瞻實九鼎之增重某分庭
納顧雖殊荀范之衆人賀夏翹誠莫預申陵之下客欣戀
之至倍萬等夷

聖宋名賢五百家播芳大全文粹卷第十八

聖宋名賢五百家播芳大全文粹卷第十九

賀啓

制置

賀陳制置啓

李汝為

伏審密奉隆恩顯膺異數擁諸道兵權之重任一時常命
之專久鎮侯藩增光帥幕凡居節制第切欣愉恭惟某
官濟世才高立朝人傑文章出於餘事術業本於壯圖尚
邵毅之詩書兼吉甫之文武忠誠夙著金百煉以難回正
直獨行玉三獻而始辨感遇風雲之際會縱橫龍虎之齒
鈐藹民望於搢紳結主知於黼扆邦畿之右伊維而南雉

堞相高卧護別城之寄舟車所會折衝千里之遙從十萬
之王師宣九重之廟略胷中敵國天下長城總戎遠逮於
重湖禦武佇寧於全楚龔遂之息盜賊俾嚮化以自安寇
恂之撫吏民乃迎風而成定舉賢能於不次錫綸綍於非
常許以便益展畫經綸之術久於委任倚成扞蔽之功鳴
騶在塗抗旌入境郡邑想聞其風米官寮仰望其威名某
濫預分符側聆視印未識荊州之面已託庇於幘幪仰瞻
元禮之門但馳誠於履舄

賀韓制置啓

譚 拂雲

伏審諮詢才實敷錫寵光躋五品之名階總兩使之重任

並為異數交慰師言恭惟 某官磊落絕倫踈明適變迎
刃而解謂世無難成之功名無心於求蓋已有必至之富
貴班超何妨投筆充國復見罷屯旋被殊恩亟聯華貫乃
眷朔方之重地是為天下之輿區須有實倉廩於暇時乃
可制戎狄之死命方今鈔幣之法悉復故常衣食之源寢
趣豐裕肇分使寄屬在周才固已昭百勝之威何止盛九
年之蓄輿論所嚮成功可期某少慕激昂晚其窮困不知
抱開之甚陋猶復攘臂而自矜已及瓜而當歸尚守株而
弗去雖諧庇覆之願足慰滯留之私載企光塵倍深欣懼

賀張制置啓

邵 公濟

遠分重地肇建行臺名震華夷慶開宗社恭惟 某官道
德異稟文武無資方為庠序之通已負廟堂之望高文大
冊極爾雅於諸儒正論讜言嗣遺直於先世密參大政坐
致中興獨膺推轂之求適契請纓之志願成功之甚偉尚
祕計之不聞熊羆之士未鼓以行蛭蟻之寇已俯而拾通
秦蜀而不隔極荆楚以無虞副聖主之傾心為名臣之稱
首就護諸將易制全師增地形表裏之雄擬陣法首尾之
勢豈徒居焉以保遠蓋將自此而出中原強虜心驚武士
氣倍某已陵老境方宅大憂痛今古隔於九原念契義高
乎三世當記橋公之約尚怜嵇氏之孤頓失沉疴觀天日
而增快自慙薄技望節鉞以知歸

察訪

賀方察訪啓

黃 獻之

伏審日侍清光密資獻納親承詔旨來總咨詢將獲整於
前旌俄擢司於中省惟六尚最親之職實三朝未命之官
明敷典領之才益貢光華之選恭惟 某官用兼數器譽
振一時博辯之資言皆析理精神所照物無道情仰當睿
聖非常之知亟彼便藩不次之寵乃眷陝服當五路之浩
繁暫假周才分八使而督治威名遠暨僕觀澄察之膺公
恩渥荐加盡繼休明之聖世某久塵委使未著消埃將瞻

望於餘塵異仰承於大庇炎蒸在候榮衛方勤祈倍保於
生經用益隆於天眷永言欣頌莫罄敷陳

賀鄭察訪啓

張真父

伏審密奉疇咨顯膺臨遣極當世光華之重副本朝宵旰
之勤聳然高風動於羣聽恭惟某官才優而識敏言辨
而智深出值亨嘉名既高而實自稱進當繁劇刃不頓而
刃有餘乃眷三秦仍分六道內連甸服外控遺羗官吏兼
文武之宜疆場有兵食之備故此澄清之任尤資通變之
才昔者屬城已戴二天之譽于今羣目具瞻八使之崇即
茂休功遂還世職某自憐弱植徒愧空殮念夙借於餘光
獲將承於大庇炎蒸未已徒御方榮惟倍保於寢興用益
隆於眷倚但勤忱頌曷既悃悃

賀姚觀察啓

邵公濟

遠持將鉞出護塞垣喜動軍中聲聞境外伏惟慶慰伏以
某官家傳忠議世有勲勞威名素震於閩西風采已傾
於朝議衛青拜命衆皆聽於大將軍李愬立功人但呼為
小太尉方時謀帥為國扞城喜寇恂之復來里閭動色聞
臨淮之初至旗鼓生風肅承開府之新亟辱移書之寵某
聞焉何濶老矣無竒恩重命輕欲退藏而未敢眷深分厚
宜教督以居多踴躍之私梗槩于是

總領

賀曾總領

光奉新恩榮還舊物掌萬民之版籍首被疇咨幹六路之
貨財茂膺臨遣攬轡載馳於故治列城夙稔於先聲卸報
一傳輿情共慶共惟 某官朝推令德世有美名學守韋
平端是相門之相句凌鮑謝謂真詩人之詩天資自得於
高明人品有餘於醞藉含香覆錦妙齡早試於為郎叱馭
登車要路幾經於出使所治皆最無施不宜橫翔未及於
中年僉論已嗟於太晚眷茲元帥控彼上流聚金穀者不
過六十州屯貔貅者無慮百萬計自非轉輸之有術孰能

供億之不窮遴選老成摠持領要揆之時望捨公其誰欽
惟導騎之鼎耒增重輶軒之偉觀木牛流馬想飛挽之靡
勞驚獸鳴鳶率奮揚而自厲某少知學問長困羈窮素無
取堂下之言豈足參幕中之畫行將託於大厦真有獲於
初心冀蒙一眄之榮以塞平生之願歲律晚晚江國沍寒
跋履之間保頤是禱

賀王總領啓

林 豈塵

祇奉宸音總司國計郎位叶東宮之應使星符西益之占
驛書競傳士論稱美恭惟一某官氣岸高雅字量粹融平
生以富貴自期吏事以經術為飾漢閩通籍名已重於縉

紳諸公之間楚嶠觀風人自得於湖山千里之外方上計
臺之最俄分版使之權率六路之武而歸乎有司會九年
之儲而按其大數厥今所尤重者於公蓋優為之聚金穀
幾一百州吐嗟可以必辨屯貔貅數十萬衆餽餉為之有
餘倚觀報政之成即復回朝之疾其近有除目喜得吾賢
川途相遼不能隨賀客之後紙筆為問姑少敘故人之情

賀汪總領啓

李方叔

顯膺綸制峻陟總臺逖惟攬轡以澄清孰不望風而震疊
屬居封部倍激懽悰伏惟歡慶恭以 總領少卿中正以
通柔嘉維則學術諸儒之冠吏能百執之師久任在於宸
表屢屈將於使指聲猷籍甚課績藹然宜當不次之求爰
即非常之拜統綏六路刺舉百城卿月已高光輝臨於楚
甸辰樞將拱步武接於老庭某倅貳濫居疲駑何補祇念
簡書之畏敢辭閔決之勞願晞仲舉之風題輿以俟竊小
巨卿之操投傳而歸

總管

賀曾總管啓

周子克

伏以貳元帥之事寔縮要權殿天子之邦迤惟巨庇方欲
通於柔翰乃先枉於華緘恭惟 總管知閩太尉寬裕有
容疏明無滯緣飾素高於儒雅波瀾坐進於老成龍已飛

天獨眷潛藩之舊鵬方擊海共期要路之登東帶立朝則
典二閤之容儀擁麾為將則亞十連之節制佇膺驛召還
侍禁遊某涉道最迂趨時甚拙諫垣有玷嘗慕於責難冊
府無裨遂甘於置散豈圖記錄復冒召除存更南紀之封
仍寓西清之直雖由缺北亦自吹噓念報惠之於瓊瑤而
負愧深於芒刺矧知辭訥曷盡意誠

賀曹總管啓代

熊子復

伏以典宸闈之近職久切嚮風貳帥聞之中權方諧借借
潤審旌麾之壓境寓緘牘以控誠伏惟 總管知閤仙韻
邃清神標凝重識達古今之變才無文武之全會早際於

風雲恩久承於雨露贊縟儀於二閤任峻橫班侍清燕於
九重寵均法從蔽自穆清之眷蔚為希闕之榮總戎乘以
啓行御便朝而臨遣閤封偃息聊增重於十連漢札疇庸
佇陞華於六纛某猥叨使傳獲並將旄屬茂對於融和願
精加於頤嗇

賀廖總管啓

王宣子

峻陞橫列榮佐總戎見寵數之有加舉輿情而共慶伏惟
某官良謀經遠精識照微踊躍一行綽著提師之效周
旋四守茂疑拊俗之功果被眷知併承華渥更聰明言之
召顯躋侍衛之崇成命可期指日以俟某又同寓止猥荷

照憐贊喜修誠悵裁戕之未果撫謙制禮辱貽翰之輒先

賀傳總管啓

李仲信

光貳元戎復臨故部聖人之武不殺方戢於干戈天子之
錫有功遂顯於弓矢先聲所屆公議已孚伏惟 某官妙
略鷲沉英材駭逸智達鬼神之變克壯其猷威加草木之
微不顯亦世惟踐揚之甚久故眷遇之不衰乃出副於元
侯以同護於諸將某聞風自昔問俗于茲念馳書之未遑
忽寵緘之先逮虎頭顧後尚阻覲於英姿豹尾導前佇更
聆於異數

奉使

之學深誠向日喜聞信使之臨

茶馬

賀王茶馬啓

劉季高

伏審榮升計府申蒞茗司千里傳聞一詞懌豫百吏共推
於大手兩川將至於息肩必著宏規永驅宿弊恭惟 某
官識攄異稟行輩前脩出乎忠孝之故家辨若功名之餘
事一言一樂無羣士篆刻之風百舉百能守先朝篤老之
論惟獨蘊於天而絕異故所臨之地而有聲大盜驚心生
安北服小民引領卧治南克辟止辟而刑祥心格心而吏
畏果躋峻職益簡上心茗旗將擷於羣秀之中有遺味矣

驥窟行空於萬里之外無留良馬佇為異最之升重見脩
門之入某受才實散荷顧特深久慙東閣之遊退遂北堂
之養既一生不得文字之力故百里不免簿書之勞身留
空山日對小吏睇窮塗而甚感望舊館以祈恩魂夢交馳
典刑未遂驟聞好語豈敢賦十里之詩已振弊冠固將卜
三沐之見其為快悅莫究賀悰

賀周茶馬啓

周 少蘊

六轡交馳遠播皇華之譽連城聳肅共傾按察之威里俗
駭觀士林欣慕竊以陝蜀萬里茶馬兩司飲人資積茗之
功行地用駒駒之力霜華期火已知利孔之開駸骨生郊

賀王戶侍出使啓

熊 子復

伏審輟陪樞幕還貳板曹鼈禁代言兼奉內朝之顧問龍
庭將命更宣大國之威靈流傳邇聲動觀聽昔我神文
享國之甚久若田宣簡理財之最長以至歐陽子之任辭
臣文忠公之使敵國是皆曠絕孰於等倫有來當代之英
兼擅羣公之美恭惟 判部直院侍郎受才傑異造理精
微胄次容萬頃之陂毫端扛百斛之鼎既蜀道之久任盡
歸乎來雖漢廷之多才無出其右預禁塗之諷謨參督府
之謀謨雖晉公欲屈於昌黎而文帝思訪於宣室趣歸計
省無財穀之問至廟堂進直詞林有書札之文賜方國屬

羗胡之來歎煩徒御以出疆雖古庸使勞諸豈特能於專
對吉詞天子王矣俾復獻於歡盟佇觀英蕩之歸亟贊巖
廊之重某猥行原隰眺望門墻莫陪賓客之趨曷勝寤寐
之喜

賀奉使啓

郭中行

被命嚴宸宣威外域實為重事宜屬偉人恭惟 某官器
量宏深辭華敏妙謀猷入告每有犯而不欺文武兼資願
無施而不可適重使秦之選堪為喻蜀之行蓋夙簡於上
心宜肅將於王命實本朝之故事極當世之榮觀某猥以
凡庸誤膺器使仰聞盛譽竦聽除音妙術占星欲訪幽人

偏覺國威之重千綱載路四種殊毛土宜分權課之征地
類有阜蕃之政立為彛憲委以行臺必資經濟之才共講
富強之計恭惟 某官岳神儲秀星昂隆精學窮古今之
傳識動天人之興少游辟水富有文章晚入仕塗諳該政
術肅將臣節簡在上心初分宰字之封旋入編脩之局慕
賓開府都人誇淑問之陶竹馬迎郊邊郡重借留之寇宸
宸軫念朝望遙歸還銅虎之符召對金臺之殿未溫魯席
已擁漢輶究詳土物之征監視邊防之用求之有藝厭藉
贊之始謀思則無彊過象僖之善牧山澤之利盡歸於公
府田戎之備不匿於私家稅從什一之輕虜有空資之困

錢流地上開貨利之源籌運幄中默破羗戎之膽非獨盡
利國強兵之術又能申折衝却敵之謀邊帥奏功璽書進
秩玉堂金馬肇分祕奧之司東觀蘭臺漸闢校讎之地掌
開元之四部真東壁之二星將參侍從之職暫歷圖書之
府前有柄用此為要津當三冬雨雪之塗攬一道澄清之
轡輜車夙駕故社驩迎衣錦還鄉笑指江山之舊過家上
豕光生阡陌之塵凡屬庇庥率增抃蹈某曩緣世契獲覩
下風久懷賀厦之心喜有拜塵之便

賀陳茶馬啓

沈元用

伏審輟自省曹分將使指利盡摘山之計弼成富國之功

總天廐之雲屯助王師之電擊三朝選使常冠於他司萬
里提封悉歸於餘照側聞喜命彌仰休聲恭以 某官況
靜而有為高明而多恕學洞九流之奧不取進功文雕萬
寶之華尚為餘事惟好修而難合故屢抑而愈剛相如歸
客於臨印何妨奏賦劉尚出護於都水未害著書初不聞
名利之談况復有喜愠之色蘭臺與直虎節觀風姑為大
任之權輿終見古人之事業某蚤諧棲倚亟荷眷憐錄其
荒唐之辭謂之可教於此固陋之質許以無他今玷帥儒
適居刺部想光華之在望悵趨走之未遑林幸既深瞻依
載極

泉使

賀王提泉啓

周子充

伏審八條婉畫上契清表帝寵方新光寓圖書之直使名
加大全提寶貨之封有識相趨不謀同慶恭惟都大提
點顯謀英姿挺出逸韻雄成犒羊有寒芒正色之垂游刃
見錯節盤根之解蚤登陪於九列旋出領於三官園府歲
輸金布充於都內釐室夜對智略奏於上前果陞六閭之
聯獨總九路之貨蓋元豐始隸於兩使而景祐實總於一
臺職遠而高既下褒賢之渥任專以重更彰復古之模卓
為從橐之階即有追封之趣某猥當共理逃借餘休惟頌

歎之方勤顧揆裁之曷既

賀劉提泉啓

鄭明舉

比奉詔條來司園法揆時載協布政聞初條教所孚吏民
交賀伏惟某官器能甚博學行兼優材久試於吏途望
素優於朝論三江與壤簡聖意以方深九府利源藉能名
而有賴必需成績行權要津某早望煒符幸依庇類阜財
解愠將有望於絃歌入境宣風行遂披於雲霧茲為慰懼
實倍等倫

賀沈提泉啓

侯彥周

綸命初頒罄朝端而歸重宏才素辨覺邦計之如流幸叨

部吏之職敢拜記曹之牘恭惟 其官清規映俗厚德傳
家學通萬卷之餘命偶千齡之會晏郎入侍遙含香簪筆
之華郡紱荐紆留截轆攀轅之愛繡衣仍舊畫錦增榮出
持陶冶之權益遂澄清之志盡東南之奧壤歸宰制之洪
鈞名山大川不祕所藏之寶羣司庶府頓銷嗜利之奸知
源派本末之因有輔贊彌縫之理某濫蒙教育未脫羈窮
坐常困於針毡居每傷於塵甑引吃數口侍次十年往方
趨於瓜期哦復親於松蔭偷安海邑獲仰星軺顏子之事
仲尼雖貧亦樂鮑叔之知管仲有過何虞唯恃私恩乃成
煩瀆過此以往未知所裁

賀王提泉啓

崔 德符

伏審光奉宸恩榮持使節剛辰已協輿頌交歸恭惟 某
官東箭南金泰山北斗繡衣畫斧常將命於四方隼旆牙
籌遂派錢於九路號令一新於萬里威權更重於三司竚
聞財用之豐餘益厚冕旒之顧眄別膺茂渥入佐中興某
夙荷睥睨今居總屬再覲光華之遣喜色增新但深欣躍
之懷願言罔既

賀晁提泉啓

王 宣子

伏審持奉綸恩就無泉政入丞九列比承帝遣之榮出使
四方增昇皇華之重措紳動色原隰增光竊以周室制嚴

掌具存於九府漢家禁密鑄獨在於三官逮我聖朝處諸
治古景祐始顛於一使元豐分設於兩司然創事必貴因
時而得人乃可行法眷此山川之寶實惟財賦之淵官聯
豈於常員使務式煩於并總恭惟 奉使提點寺丞英豪
間氣醞籍名流早歷要塗光膺妙簡佐大農之職綽著於
顯庸領數路之權益隆於雅望某猥栖郡幕遙望使臺阻
修敬於門墻輒空城於竿牘列朝班而將使指式觀富國
之經持從橐而贊皇猷嗣獻得賢之頌

舶使

賀提舶啓

林

豈塵

榮膺紫渥寵耀皇華屬中都疏用度之源俾外府幹貿遷
之利慶傳賓驛喜自郵音恭惟 某官山川炳靈日月垂
譽蘊淵乎似道之質得浩然養氣之方檄筆幕謀舊泛儉
蓮之綠水寢香門戟坐臨韓木之清風載褒治行之優遂
被光華之遣矧嶺表去中周而遠惟司舶有南庫之名金
具綺屬咸萃於中珠玉象犀不勝其數馬節使堂兼其使
廼新作嚮軍之堂孔祭酒欲示其情遂首罷鬪貨之燕在
今日尤重此選屈我公特為是行牛酒以厭者將滿於途
梯航而至者欲藏於市衆心所頌拭目維新某頓耒海瀕
獲謁麾下辱待以過客之禮幸望夫君子之儀茲何際會

之多又備奔走之後姓名若問誰為顛顛之言紙墨有情
敢致起居之意

賀提舶啓

孫正之

伏審跡渥紫宸聯華翠節接月卿之鳴珮夙展高蹤按海
國之飛檣肇分直指旌輶昇至原隰頓光仰止先朝之洪
摹取諸外域之瑰產年紀載登於元祐使華增建於溫陵
遠致番商萬里泛鯨波之舶入輸京藏百物萃雞林之珍
孰縮要權必疇雅望恭惟 提舉寺丞家傳與學世載令
名賦質厚於渾金制行清於潔玉入陪九列垂踐要塗出
布六條整乘偏障果錫十行之札就移六轡之馳嗣降追
鋒徑登從橐某猥分日甸逖望星臺蠻夷八九之通姑童
收於歲息聖賢千一之遇佇越遐於辰猷

漕使

賀張都運啓

楊萬里

伏審妙簡清衷肅將隆指寵陞論選亞遷禁之高華任督
將輸統神臯之浩穰有識交頌不謀同辭永惟聖哲之經
營先自國家之根本疆連吳越昔嘗啓於霸圖運際唐虞
今遂成於帝甸天驕將款於渭上人傑宜漕於閩中伏惟
運使殿撰少卿與學研幾周才濟劇巨室一國所慕亟
躋獻納之聯皇華六轡載馳屢畀按澄之職然負全才者

要須綿歷而將大任者豈厭回翔尚屈壯畝式觀殊最長
安三輔暫煩蕩節之臨文昌六聯即被贊書之寵是惟公
望夫豈私期某猥殿于蕃寔當所部審初交於軺傳庸遠
寓於緘滕声雖成文言莫盡意

賀副都運啓

伏審荐膺綸制改付使權惟七寺之近班已推茂實故三
秦之劇部復賴周才成命既傳輿情胥慶恭以 某官材
猷英博識量宏通蚤預賓筵謀深帷幄俄趨召節名動播
紳蓋惟磊落之資宜在光華之選寢陪郎省屢典藩符愛
有甚於棠陰榮每憐於棣萼周廬千列方觀不識之才積
粟九年更茂夷吾之畧某行能甚下門戶已衰不自知其
疲駕猶未忘於奮發獲塵周序猶聞樂職之詩幸與邦人
共仰登車之志使旌在望驩頌載深

賀謝運使啓

沈 德和

伏審入覲天光親馭使指載嘉偉績申錫殊恩內躋禁閣
之崇外正漕權之重寵紆金佩榮集使華伏惟驩慶 某
官智術深明才猷博達學洞古今之要文搞道德之英揮
塵名言聳高風於微子臨池妙墨抗逸駕於元常蓋自峻
陟要津備膺宸眷願茲朔部控彼燕垂謂制勝當戒於不
虞而威敵莫先於自治昔文帝收實塞之議後世因資以

破胡惟壽昌沮余穀之謀諸羗率聞於畔漢文帝繼武聖
謀通天申命實臣築倉會府風飛雷動而有作天造地設
而告成因民欲之所同故子來而弗擾亟底成績深契上
心敷錫寵榮聳動觀聽何止富九年之蓄固已收百勝之
威別奉疇咨入膺大用某稟資極陋託庇至榮以甚踈無
用之才當難辨不習之職固思黽勉終懼譴訶仰大匠之
兼收庶散財之不棄私積蔭雲之幸恭陳賀厦之誠載跋
併幪詎殫悃悞

賀尚都運啓

孫正之

伏審顯膺紫渥寵耀皇華旂幢將下於南荒肴醴爭陳於
前次威聲遠被風采聳聞竊以歛今五嶺之陬在昔百粵
之地自有唐以來氣俗已變逮本朝之興聲教旁加於監
司郡守欲重其權非名公鉅卿莫副茲選矧計臺尤急於
用度在中郎實藉其轉輸聚歲貢五十萬緡此其大數餉
官軍幾千百計為之有餘且南宮悉自於銓衡故當宸每
難於委注惟帝時舉則公其人恭惟 都運御史先生學
自心傳道存目擊淵源得之游夏卓犖傾乎鄒枚此一且
事業之施為皆前日詩書之張本為堂上之讀而見笑詎
肯言糟粕之餘雖臺中之評以為傾竟無負鷹鷂之擊方
明天子匪輕其外任茲部刺史喜得於吾賢弟恐輜軒未

下欲下方下之間遂有走節一命再命三命之召某稚非
一日獨有二天硯席同遊猶記杏墻之風月弩矢為後當
驅海嶺之埃塵苟富貴未必想忘則貧賤有所不棄寸心
所慕尺牘難言

賀沈都運啓

伏審榮持英蕩遠躍皇華颺命九重方蒲宸暫辭於日月
班風八郡迺繡衣舊領之山川先聲一傳佳頌四起恭惟
某官剛大養而以直敬義立而不孤富貴固所自期文章
迺其餘事諸公無出其右已先臺省之登天子尤器其材
將為廊廟之用金馬政煩於速宿承明何事於擇歡蓋上

方不以內外而分重輕故公亦無以出入而有難易寵被
周家之禮樂薦揚漢使之威儀攬轡遂行慨然有澄清天
下之志給餉不絕庶幾乎成轉漕關中之功第恐輶軒未
下之間而有走節再命之召某言非私佞賀與衆同有司
而主權衡頃已在門生之列先驅而負弩矢當益修縣令
之恭

賀陳都運啓

孫仲益

一札流聞大慰雲霓之望十城驚聳竚瞻斧繡之光恭惟
某官夙擅冀北千里之稱特推斗南一人之傑培風背於
九霄之路析秋毫於百戰之場攬轡車鷹隼殆將擊矣埋

輪道上狐狸何足算焉某老病守藩踈慵負國謾索太倉之粟無補縣官空餘涸轍之魚以俟君子俯深欣頌莫究名言

賀王都運啓

孫德莊

伏審密預選掄進當臨遣服寵名於祕殿揔漕計於朔方
靄然休聲震於群聽恭惟某官踈明而有守宏裕而好
謀才周文武之全識照幾微之本經術深博極游夏之淵
源文章英竒軼班揚之氣象自致功名之會獨膺睿聖之
知陸賈南馳百粵請命唐蒙西使夜郎入朝勲績亟掩於
前人風采聳聞於當世載錫便蕃之寵用昭俊偉之功帝

眷北方朝詔名德輟中臺之要劇付一道之事權資通微
應變之才致經國裕民之効詎止富九年之蓄固已收百
勝之威自茲朞月之間必踐公台之任故事未邈斯言不
諼某猥以踈愚厚承聆獎明廷賜第常並英游病木辭春
獨為棄物蒙曲計其曩昔頗不忍其困窮幸以姓名列在
臨按使獲在驅馳之地未必無尺寸之功惟深恃於衰矜
輒自忘其進越光華在望傾頌載勤

賀胡都運啓

洪元之

伏審益隆宸簡升正漕權使指增雄仍總神臯之部官儀
愈峻例階僊禁之除帝得真賢士有公論竊以用才者莫

良於已試有功者必喜於見知按長安三輔之繁既彰殊
最頌建武十行之渥始進顯名恭惟 都運敷文與學研
幾周才濟劇蚤聯內閣盡躋法從之華徧歷近畿綽著吏
師之績果就陞於使號佇權貳於尹條某孤處冷曹獲登
崇因一言褒重已欣孤跡之逢九里澤多更為士流之慶

聖宋名賢五百家播芳大全文粹卷第十九

程